

EAST ASIAN LIBRARY  
RM 8049 ROBARTS LIBRARY  
UNIVERSITY OF TORONTO  
TORONTO, CANADA M5S 1A5

漢魏六朝百三家集

魏

陳思王

第二十一冊

V. 21-24







東恩王參



陳  
思  
王  
集

PL  
2494  
H38  
1879  
V.21-24



陳思王集題詞

余讀陳思王責躬應詔詩泣然悲之  
以爲伯奇履霜崔子渡河之屬旣讀  
升天遠遊仙人飛龍諸篇又何翩然  
遐征覽思方外也王初蒙寵愛幾爲  
太子任性章釁中受拘攣名爲懿親



其朝夕縱適反不若一匹夫徒步慷慨請試求通親戚賈誼奮節于匈奴劉勝低首于聞樂斯人感槩豈空云爾哉司馬氏睥睨神器魏忽不祀彼所綢繆者藩防而取代者他族思王之言不再世而驗然則審舉諸文固



魏宗之磐石也集備群體世稱繡虎  
其名不虛卽自然深致少遜其父而  
才大思麗兄似不如人但見文帝居  
高陳王伏地遂謂帝王人臣文體有  
分恐淮南中壘不爲武成受屈也黃  
初二令省愆悔過詩文怫鬱音成于



心當此時而猶泣金枕賦感甄必非  
人情論者又云禪代事起子建發服  
悲泣使其嗣爵必終身臣漢若然則  
王之心其周文王乎余將登箕山而  
問許由焉

婁東張溥題



陳思王集目錄卷一

賦

登臺賦

節遊賦

臨觀賦

游觀賦

東征賦

有序

籍田賦

述行賦



感節賦

娛賓賦

潛志賦

立暢賦

有序

閒居賦

九愁賦

敘愁賦

有序

離思賦

有序

釋思賦

有序



幽思賦

愁思賦

懷親賦

有序

慰子賦

靜思賦

歸思賦

洛神賦

有序

愍志賦

有序

出婦賦



感婚賦

大暑賦

愁霖賦

又

喜霽賦

寶刀賦

有序

九華扇賦

有序

迤迭香賦

車渠椀賦



酒賦

有序

植橘賦

芙蓉賦

槐賦

神龜賦

有序

白鶴賦

鸚鵡賦

離繳鴈賦

有序

鷓鴣賦

有序



鸚鵡賦

蟬賦

蝙蝠賦

遷都賦

騷

九詠

令

黃初五年令

黃初六年令



寫灌均上事令

表

求自試表

求通親親表

陳審舉表

諫取諸國士息表

諫伐遼東表

慶文帝受禪表

慶受禪上禮表



龍見賀表

初封安鄉侯表

封甄城王謝表

轉封東阿王謝表

謝妻改封陳妃表

謝入覲表

又

謝周觀表

謝明帝賜食表



謝賜柰表

謝鼓吹表

答明帝詔表

上責躬詩表

上卞太后誄表

上先帝賜鎧表

冬至獻襪履表

獻璧表

獻馬表



獻牛表

請招降江東表

請用賢表

望恩表

請祭先王表

請赴元正表

作車帳表

乞田表

獵表



歐冶表

上銀鞍表

謝賜穀表

章

改封陳王謝章

封二子爲公謝恩章

書

與楊德祖書

與吳質書



與司馬仲達書

與陳琳書

與丁敬禮書

答崔文始書

序

前錄自序

柳頌序

酈生頌序

七



七啓

七客

七略

論

魏德論

漢二祖優劣論

成王漢昭論

相論

辯道論



又

令禽惡鳥論

仁孝論

輔臣論

征蜀論

又魏德論略

說

籍田說  
二首

鬲臠說



畫說

說疫氣

又

謳

魏德論謳

甘露

連理木

穀

禾



鵲

鳩

碑

制命宗聖侯孔羨奉家祀碑

頌

皇子生頌

承露盤頌

有序

孔廟頌

有序

社頌

有序



湯妃頌

姜后頌

玄俗頌

冬至獻襪頌

宜男花頌

贊

畫贊

有序

庖犧贊

女媧贊



神農贊

黃帝贊

黃帝三鼎贊

少昊贊

顓頊贊

帝嚳贊

帝堯贊

帝舜贊

夏禹贊



禹治水贊

禹渡河贊

殷湯贊

湯禱桑林贊

周文王贊

周文王赤雀贊

周武王贊

周公贊

周成王贊



漢高帝贊

漢文帝贊

漢景帝贊

漢武帝贊

姜嫄簡狄贊

禹妻贊

班婕妤贊

吹雲贊

巢父贊



務光贊

商山四皓贊

長樂觀畫贊

古冶子等贊

銘

寶刀銘

承露盤銘  
并序

文

誥咎文  
有序



釋愁文

誄

武帝誄

文帝誄

卞太后誄

任城王誄

大司馬曹休誄

光祿大夫荀侯誄

王仲宣誄



平陽懿公主誄

蒼舒誄

哀辭

仲雍哀辭

金瓠哀辭

行女哀辭

卷二

樂府

笙篴引



薤露行

惟漢行

平陵東

鰕鮒篇

吁嗟篇

豫章行

二首

蒲生行

浮萍篇

當來日大難



丹霞蔽日行

野田黃雀行

門有萬里客

泰山梁甫行

怨詩行

怨歌行

輦舞歌

五首有序

聖皇篇

靈芝篇



大魏篇

精微篇

孟冬篇

桂之樹行

當牆欲高行

當欲游南山行

當事君行

當車以駕行

妾薄命

二首



名都篇

美女篇

白馬篇

苦思行

升天行  
二首

五遊篇

遠遊篇

仙人篇

飛龍篇



鬪雞篇

磐石篇

驅車篇

種葛篇

棄婦篇

詩

上責躬應詔詩

應詔詩

朔風詩



矯志詩

元會詩

閨情

公讌詩

侍太子坐

贈徐幹

贈丁儀

贈王粲

又贈丁儀王粲



贈丁翼

贈白馬王彪 七首

送應氏詩 二首

三良詩

遊仙詩

襍詩 六首

閨情 一作襍詩

七哀詩

情詩



喜雨詩

七步詩

失題

離友詩

二首  
并序

妒詩

髑髏詩

豔歌

樂府

芙蓉池



言志

襍詩

補遺

正會詩

樂府歌

古詞

樂府

苦熱行

結客篇



樂府歌辭

陌上桑

襍詩

遺句

附錄

本傳



陳思王集目錄終



陳思王集卷之一

明 太倉張溥評閱

賦

登臺賦

從明后而嬉遊兮，登層臺以娛情。見太府之廣  
開兮，觀聖德之所營。建高門之嵯峨兮，浮雙闕  
乎太清。立中天之華觀兮，連飛閣乎西城。臨漳  
水之長流兮，望園果之滋榮。仰春風之和穆兮，



聽百鳥之悲鳴，天雲垣其旣立兮。家願得而獲，  
呈揚仁化於宇內兮。盡肅恭於上京，雖桓文之  
爲盛兮。豈足方乎聖明，休矣美矣。惠澤遠揚，翼  
佐皇家兮。宜彼四方，同天地之矩量兮。齊日月  
之輝光，永貴尊而無極兮。等年壽于東王。

節遊賦

覽宮宇之顯麗，實大人之攸居。建三臺於前處，  
飄飛陛以凌虛。連雲閣以遠徑，營觀榭於城隅。  
亢高軒以迴眺，緣雲霓而結疏。仰西嶽之松岑，



臨漳滏之清渠、觀靡靡而無終、何渺渺而難殊、  
亮靈后之所處、非吾人之所廬、於是仲春之月、  
百卉叢生、萋萋藹藹、翠葉朱莖、竹林青葱、珍果  
含榮、凱風發而時鳥、謹微波動而水蟲鳴、感氣  
運之和順、樂時澤之有成、遂乃浮素蓋、御驂騑、  
命友生、攜同儔、誦風人之所歎、遂駕言而出遊、  
步北園而馳騫、庶翱翔以解憂、望淇池之滉漾、  
遂降集乎輕舟、浮沉蟻於金罍、行觴爵於好仇、  
絲竹發而響厲、悲風激於中流、且容與以盡觀、



聊永日而忘愁。嗟羲和之奮迅。怨曜靈之無光。  
念人生之不永。若春日之微霜。諒遺名之可紀。  
信天命之無常。愈志蕩以滛游。非經國之大綱。  
罷曲宴而旋服。遂言歸乎舊房。

臨觀賦

登高墉兮望四澤。臨長流兮送遠客。春風暢兮  
氣通靈。草含幹兮木交莖。丘陵崛兮松柏青。南  
園夢兮果載榮。樂時物之逸豫。悲予志之長違。  
歎東山之遡勤。歌式微以詠歸。進無路以効公。



退無隱以營私，俯無鱗以遊遁。仰無翼以翻飛，  
遊觀賦

靜間居而無事，將遊目以自娛。登北觀而啓路，  
涉雲際之飛除。從羆熊之武士，荷長戟而先驅。  
罷若雲歸，會如霧聚。車不及回，塵不獲舉。奮袂  
成風，揮汗如雨。

東征賦

有序

建安十九年，王師東征，吳寇余典禁兵衛宮省。  
然神武一舉，東夷必克。想見振旅之盛，故作賦



一篇、

登城隅之飛觀兮、望六師之所營、幡旗轉而心  
異兮、舟楫動而傷情、顧身微而任顯兮、愧責重  
而命輕、嗟我愁其何爲兮、心遙思而懸旌、師旅  
憑皇穹之靈佑兮、亮元勲之必舉、揮朱旗以東  
指兮、橫大江而莫御、循戈櫓於清流兮、汜雲梯  
而容與、禽元帥於中舟兮、振靈威於東野、

籍田賦

宮疇萬畝、厥田上上、奇柳夾路、名果被園、司農



實掌是謂公田

述行賦

尋曲路之南隅、觀秦政之驪墳、哀黔首之罹毒、  
酷始皇之爲君、濯余身於秦井、偉湯禱之若焚、  
感節賦

携友生而游觀、盡賓主之所求、登高墉以永望、  
冀消日以忘憂、欣陽春之潛潤、樂時澤之惠休、  
望候鴈之翔集、想玄鳥之來游、嗟征夫之長勤、  
雖處逸而懷愁、懼天河之一迴、沒我身乎長流、



豈吾鄉之足顧、戀祖宗之靈丘、唯人生之忽過、  
若鑿石之未耀、慕牛山之哀泣、懼平仲之我笑、  
折若華之翳日、庶朱光之常照、願寄軀於飛蓬、  
乘陽風而遠飄、亮吾志之不從、乃拊心以歎息、  
青雲鬱其西翔、飛鳥翮而上匿、欲縱體而從之、  
哀余身之無翼、大風隱其四起、揚黃塵之冥冥、  
鳥獸驚以求羣、草木紛其揚英、見遊魚之涔漚、  
感流波之悲聲、內紆曲而潛結、心怛惕以中驚、  
匪榮德之累身、恐年命之早零、慕歸全之明義、



庶不忝其所生

娛賓賦

遂衍賓而高會兮，丹幃暉以四張。辦中厨之豐膳兮，作齊鄭之妍倡。文人騁其妙說兮，飛輕翰而成章。談在昔之清風兮，總賢聖之紀綱。欣公子之高義兮，德芬芳其若蘭。揚仁恩於白屋兮，踰周公之棄餐。聽仁風以忘憂兮，美酒清而有甘。

潛志賦



潛大道以遊志，希往昔之遐烈，矯貞亮以作矢，  
當苑囿以呈藝，驅仁義以爲禽，必忠信而後發，  
退隱身以滅跡，進出世而取容，且摧剛而和謀，  
接虔肅以靜恭，亮知榮而守辱，匪徇天以爲通。

立暢賦

有序

夫富者非財也，貴者非寶也，或有輕爵祿而重  
榮聲者，或有反性命而徇功名者，是以孔老異  
情，楊墨殊義，聊作斯賦，名曰立暢。

夫何希世之大人，罄天壤而作皇，該仁聖之上



義據神位以統方補五帝之漏目綴三代之維  
綱僥余生之倖祿邁九二之嘉祥上同契於稷  
卨降合穎於伊望思薦寶以繼佩怨和璞之始  
鑄思黃鐘以協律怨伶夔之不存嗟所圖之莫  
合悵蘊結而延伫希鵬舉以搏天蹶青雲而奮  
羽舍余駟而改駕任中才之展御望前軌而致  
策顧後乘而安驅匪逞邁之短修取全貞而保  
素弘道德以爲宇築無怨以作藩播慈惠以爲  
圃耕柔順以爲田不媿景而慚魄信樂天之何



欲逸千載而流聲，超遺黎而度俗。

閒居賦

何吾人之介特，去朋匹而無儔。出靡時以娛志，入無樂以消憂。何歲月之若鶩，復民生之無常。感陽春之發節，聊輕駕而遠翔。登高丘以延企，時薄暮而起兩。仰歸雲以載犇，遇蘭蕙之長圃。冀芬芳之可服，結春衡以延伫。入虛廊之間館，步生風之高廡。踐密邇之修除，卽蔽景之玄宇。翡翠翔於南枝，玄鶴鳴於北野。青魚躍於東沼，



白鳥戲於西渚，遂乃背通谷對綠波，藉文茵，繫  
春華，丹轂更馳，羽旌相過。

九愁賦

嗟離思之難忘，心慘毒而含哀，踐南畿之末境，  
越引領之徘徊，眷浮雲以太息，顧攀登而無階，  
匪狗榮而愉樂，信舊都之可懷，恨時王之謬聽，  
受奸枉之虛辭，揚天威以臨下，忽放臣而不疑，  
登高陵而反顧，心懷愁而荒悴，念先寵之既隆，  
哀後施之不遂，雖危亡之不豫，亮無遠君之心。



刈桂蘭而秣馬、舍余車於西林、願接翼於歸鴻、  
嗟高飛而莫攀、因流景而寄言、響一絕而不還、  
傷時俗之趨險、獨悵望而長愁、感龍鸞而匿跡、  
如吾身之不畱、竄江介之曠野、獨渺渺而汎舟、  
思孤客之可悲、愍予身之翩翔、豈天監之孔明、  
將時運之無常、謂內思而自策、笑乃昔之愆殃、  
以忠言而見黜、信毋負於時王、俗參差而不齊、  
豈毀譽之可同、競昏瞽以營私、害予身之奉公、  
其朋黨而妬賢、俾予濟乎長江、嗟大化之移易、



悲性命之攸遭、愁慊慊而繼懷、怛慘慘而情挽、  
曠年載而不回、長去君兮悠遠、御飛龍之蜿蜒、  
揚翠霓之華旌、絕紫霄而高鶩、飄弭節於天庭、  
披輕雲而下觀、覽九土之殊形、顧南郢之邦壤、  
咸蕪穢而倚傾、驂盤桓而思服、仰御驤以悲鳴、  
紆予袂而長涕、僕夫感以失聲、履先王之正路、  
豈遙徑之可遵、知犯君之招咎、耻干媚而求親、  
顧旋復之無軌、長自棄於遐濱、與麋鹿以爲羣、  
宿林藪之歲綦、野蕭條而極望、曠千里而無人、



民生期於必死，何自苦以終身？宜作清水之沉  
泥，不爲濁路之飛塵。踐蹊隧之危阻，登嵒堯之  
高岑。見失羣之離獸，覲偏棲之孤禽。懷憤激以  
切痛，苦回忍之在心。愁戚戚其無爲，遊綠林而  
逍遙。臨白水以悲嘯，猿驚聽而失條。亮無怨而  
棄逐，乃余行之所招。

叙愁賦

有序

時家二女弟，故漢皇帝聘以爲貴人。家母見二  
弟愁思，故令予作賦曰：



嗟妾身之微薄，信未達乎義方。遭母氏之聖善，奉恩化之彌長。迄盛年而始立，修女職於衣裳。承師保之明訓，誦六列之篇章。觀圖像之遺形，竊庶幾乎英皇。委微軀於帝室，充末列於椒房。荷卬紱之令服，非陋才之所望。對牀帳而太息，慕二親以憎傷。揚羅袖而掩涕，起出戶而彷徨。顧堂宇之舊處，悲一別之異鄉。

離思賦

有序

建安十六年大軍西討，馬超太子留監國。植時



從焉意有憶戀遂作離思賦云

在肇秋之嘉月將耀師而西旗余抱疾以賓從  
扶衡軫而不怡慮征期之方至傷無階以告辭  
念嗣君之光惠庶沒命而不疑欲畢力於旌麾  
將何心而遠之願我君之自愛爲皇朝而寶已  
水重深而魚悅林修茂而鳥喜

釋思賦

有序

家弟出養族父郎中伊予以兄弟之愛心有戀  
然作此賦以贈之



彼朋友之離別，猶求思乎白駒。况同生之義絕，重背親而爲疎。樂鴛鴦之同池，羨比翼之共林。亮根異其何戚，痛別榦之傷心。

幽思賦

倚高臺之曲隅，處幽僻之閒深。望翔雲之悠悠，羌朝霽而夕陰。顧秋華而零落，感歲莫而傷心。觀躍魚於南沼，聆鳴鶴於北林。搦素筆而慷慨，揚大雅之哀吟。仰清風以歎息，寄余思於悲絃。信有心而在遠，重登高以臨川。何余心之煩錯，



宜翰墨之能傳

愁思賦

四節更王兮秋氣悲遙思惆悵兮若有遺原野  
蕭條兮煙無依雲高氣靜兮露凝璣野草變色  
今莖葉稀鳴蜩抱木兮鴈南飛歸室解裳兮步  
庭前月光照懷兮星依天居一世兮芳景遷松  
喬難慕兮誰能仙長短命也兮獨何愆

懷親賦

有序

濟陽南澤有先帝故營遂停馬任駕造斯賦焉



遊平原而南驚，覩先帝之舊營，步壁壘之常制，  
識旌麾之所停，在官曹之典列，心髣髴於平生，  
回驥首而永游，赴修途以尋遠，情眷戀而顧懷，  
魂須臾而九反。

慰子賦

彼凡人之相親，小離別而懷戀，況中殤之愛子，  
乃千秋而不見，入空室而獨倚，對孤幃而切歎，  
痛人亡而物在，心何忍而復觀，日晡晚而旣沒，  
月代照而舒光，仰列星以至晨，衣霑露而含霜，



惟逝者之日遠，愴傷心而絕腸。

靜思賦

夫何美女之爛妖，紅顏暎而流光。卓特出而無匹，呈才好其莫當。性通暢以聰惠，行嬋密而妍詳。蔭高岑以翳日，臨綠水之清流。秋風起於中林，離鳥鳴而相求。愁慘慘以增傷，悲予安能乎淹留。

歸思賦

背故鄉而遷徂，將遙憩乎北濱。經平常之舊居，



感荒壤而莫振，城邑寂以空虛。草木穢而荆榛，嗟喬木之無陰。處原野其何爲，信樂土之足慕。忽并日之載馳。

洛神賦

有序

黃初三年，余朝京師，還濟洛川。古人有言：斯水之神，名曰宓妃。感宋玉對楚王說神女之事，遂作斯賦。其詞曰：

余從京師，言歸東藩。背伊闕，越轅轅，經通谷，陵景山。日旣西傾，車殆馬煩。爾迺稅駕乎蘅皋，秣



駟乎芝田，容與乎陽林，流眄乎洛川，於是精移  
神駭，忽焉思散，俯則未察，仰以殊觀，覩一麗人，  
於巖之畔，爾廼援御者而告之曰，爾有覲於彼  
者乎，彼何人斯，若此之豔也，御者對曰，臣聞河  
洛之神，名曰宓妃，然則君王之所見，無廼是乎，  
其狀若何，臣願聞之，余告之曰，其形也翩若驚  
鴻，婉若游龍，榮曜秋菊，華茂春松，髣髴兮若輕  
雲之蔽月，飄飄兮若流風之迴雪，遠而望之，皓  
若太陽升朝霞，迫而察之，灼若芙蕖出淶波，穠



纖得衷修短合度。肩若削成。腰如約素。延頸秀  
項。皓質呈露。芳澤無加。鉛華弗御。雲髻峨峨。修  
眉聯娟。丹脣外朗。皓齒內鮮。明眸善睐。靨輔承  
權。環姿豔逸。儀靜體閑。柔情綽態。媚於語言。奇  
服曠世。骨像應圖。披羅衣之璀璨兮。珥瑤碧之  
華琚。戴金翠之首飾。綴明珠以耀軀。踐遠游之  
文履。曳霧綃之輕裾。微幽蘭之芳馥兮。步踟躕  
於山隅。於是忽焉縱體。以遨以嬉。左倚采旄。右  
蔭桂旗。攘皓腕於神滄兮。采湍瀨之立芝。余情



悅其淑美兮。心振蕩而不怡。無良媒以接歡兮。  
託微波而通辭。願誠素之先達兮。解玉佩而要  
之。嗟佳人之信修兮。羗習禮而明詩。抗瓊琚以  
和予兮。指潛川而爲期。執眷眷之款實兮。懼斯  
靈之我欺。感交甫之棄言兮。悵猶豫而狐疑。收  
和顏而靜志兮。申禮防以自持。於是洛靈感焉。  
徙倚傍徨。神光離合。乍陰乍陽。竦輕軀以鶴立。  
若將飛而未翔。踐椒塗之郁烈。步蘅薄而流芳。  
超長吟以永慕兮。聲哀厲而彌長。爾迺衆靈雜



迅。命。傳。嘯。侶。或。戲。清。流。或。翔。神。渚。或。採。明。珠。或。  
拾。翠。羽。從。南。湘。之。二。妃。攜。漢。濱。之。游。女。歎。匏。瓜。  
之。無。匹。詠。牽。牛。之。獨。處。揚。輕。袿。之。綺。靡。翳。修。袖。  
以。延。伫。體。迅。飛。鳧。飄。忽。若。神。陵。波。微。步。羅。襪。生。  
塵。動。無。常。則。若。危。若。安。進。止。難。期。若。往。若。還。轉。  
眄。流。精。光。潤。玉。顏。含。辭。未。吐。氣。若。幽。蘭。華。容。姁。  
娜。令。我。忘。餐。於。是。屏。翳。收。風。川。后。靜。波。馮。夷。鳴。  
鼓。女。媧。清。歌。騰。文。魚。以。警。乘。鳴。玉。鸞。以。偕。逝。六。  
龍。儼。其。齊。首。載。雲。車。之。容。裔。鯨。鯢。踊。而。夾。轂。水。



禽翔而爲衛。於是越北沚。過南岡。紆素領。迴清  
揚。動朱唇。以徐言。陳交接之大綱。恨人神之道  
殊。怨盛年之莫當。抗羅袂以掩涕兮。淚流襟之  
浪浪。悼良會之永絕兮。哀一逝而異鄉。無微情  
以效愛兮。獻江南之明璫。雖潛處於太陰。長寄  
心於君王。忽不悟其所舍。悵神霄而蔽光。於是  
背下陵高足。往心留。遺情想象。顧望懷愁。冀靈  
體之復形。御輕舟而上沂。浮長川而忘反。思絲  
絲而增慕。夜耿耿而不寐。霑繁霜而至曙。命僕



夫而就駕。吾將歸乎東路。攬駢轡以抗策。悵盤

桓而不能去。

記曰。植初求甄逸女。不遂。後太祖因與五官中郎將植晝思夜想。廢

寢與食。黃初中。入朝。帝示植甄后玉鏤金帶枕。植見之。不覺泣下。時已爲郭后讒死。帝仍以枕資植。植還度輟轅息洛水上。因思甄氏。忽若有見。遂述其事。作感甄賦。後明帝見之。改爲洛神賦。爰按植在黃初。猜嫌方劇。安敢于帝前思甄泣下。帝又何至以甄枕賜植。此國章家典所無也。若事因感甄。而名托洛神。間有之耳。豈待明帝始改。皆傳會者之過矣。

愍志賦

有序

或人有好鄰人之女者。時無良媒。禮不成焉。彼女遂行。適人有言之於予者。予心感焉。乃作賦



曰

竊托音於往昔。迄來春之不從。思同遊而無路。  
情壅隔而靡通。哀莫哀於永絕。悲莫悲於生離。  
豈良時之難俟。痛予質之日虧。登高樓以臨下。  
望所歡之攸居。去君子之清宇。歸小人之蓬廬。  
欲輕飛而從之。迫禮防之我拘。

出婦賦

以才薄之陋質。奉君子之清塵。承顏色以接意。  
恐疎賤而不親。悅新婚而忘妾。哀愛惠之中零。



遂摧頽而失望，退幽屏於下庭。痛一旦而見棄，心忉忉以悲驚。衣八門之初服，背床室而出征。攀僕御而登車，左右悲而失聲。嗟冤結而無訴，乃愁苦以長窮。恨無愆而見棄，悼君施之不終。

### 感婚賦

陽氣動兮淑清，百卉鬱兮含英。春風起兮蕭條，蟄蟲出兮悲鳴。顧有懷兮妖嬈，用搔首兮屏營。登清臺以蕩志，伏高軒而游情。悲良媒之不顧，懼歡媾之不成。慨仰首而太息，風飄飄以動纓。



大暑賦

炎帝掌節，祝融司方。羲和按轡，南雀舞衡。蛇折  
鱗於靈窟，龍解角於皓蒼。遂乃溫風赫戲，草木  
垂榦。山折海沸，沙融礫爛。飛魚躍渚，潛龜浮岸。  
鳥張翼而近栖，獸交遊而雲散。于時黎庶徙倚，  
綦布葉分機。女絕綜，農夫釋耜。背暑者不羣而  
齊跡，向陰者不會而成羣。於是大人遷居宅幽，  
綏神育靈。雲屋重構，閒房肅清。寒泉涌流，玄木  
奮榮。積素冰於幽館，氣飛結而爲霜。奏白雪於



琴瑟朔風感而增涼

愁霖賦

迎朔風而爰邁兮，雨微微而逮行。悼朝陽之隱曜兮，怨北辰之潛精。車結轍以盤桓兮，馬躑躅以悲鳴。攀扶桑而仰觀兮，假九日於天皇。瞻沈雲之泱泱兮，哀吾願之不將。

又愁霖賦

夫季秋之淫雨兮，旣彌日而成霖。瞻玄雲之掩掩兮，聽長雷之淋淋。中宵卧而歎息，起飾帶而



撫琴、

喜霽賦

禹身逝於暘旰，卒錫圭而告成。湯感旱於殷時，造桑林而敷誠。動玉朝而雲披，鳴鑾鈴而日陽。指北極以爲期，吾將倍道而兼行。

寶刀賦

有引

建安中，家父魏王乃命有司造寶刀五枚。三年，乃就以龍虎熊馬雀爲識。太子得一，余及余弟饒陽侯各得一焉。其餘二枚，家王自伏之。賦曰：



有皇漢之明后思潛達而玄通飛文義以博致  
揚武備以禦凶乃熾火炎爐鍊鉄挺英烏獲奮  
椎歐冶是營扇景風以激氣飛光鑑於天庭爰  
告祠於太一乃感夢而通靈然後礪以五方之  
石鑿以中黃之壤規員景以定環攄神思而造  
像垂華紛之葳蕤流翠采之晃熒陸斬犀革水  
斷龍角輕擊浮截刃不濺流踰南越之巨闕超  
西楚之太阿寔真人之攸御永天祿而是荷

九華扇賦

有引



昔吾先君常侍得幸漢桓帝，賜尚方扇，不方不圓，其中結成文，名曰九華。其辭曰：

有神區之名，竹生不周之高岑，對綠水之素波，背玄澗之重深。體虛暢以立幹，播翠葉以成林。形五離而九折，篴鼈解而縷分。效虬龍之蜿蜒，法虹霓之氤氲。因形致好，不常厥儀。方不應矩，圓不中規。隨皓腕以徐轉，發惠風之微寒。時氣清以方厲，紛飄動兮綺紈。

迷迭香賦



播西都之麗草兮，應青春而凝暉。流翠葉於纖  
柯兮，結微根於丹墀。信繁華之速實兮，弗見凋  
於嚴霜。方暮秋之幽蘭兮，麗崑崙之英芝。旣經  
時而收采兮，遂幽殺以增芳。去枝葉而特御兮，  
入綃縠之霧裳。附玉體以行止兮，順微風而舒  
光。

車渠枕賦

惟斯枕之所生，於涼風之浚湄。采金光之定色，  
擬朝陽而發輝。豐玄素之晔晔，暄帶朱榮之葳蕤。



縕絲綸以肆采，藻繁布以相追。翩飄颻而浮景，若驚鵠之雙飛。隱神璞於西野，彌百葉而莫希。於時乃有篤厚神后，廣被仁聲。夷慕義而重使，獻茲寶於斯庭。命公輸之巧匠，窮妍麗之殊形。華色燦爛，文若點成。鬱翦雲蒸，蜿蜒龍征。光如激電影，影若浮星。何神怪之巨偉，信一覽而九驚。雖離朱之聰目，內炫耀而失精。何明麗之可悅，超羣寶而特章。俟君子之閑燕，酌甘醴於斯觥。旣娛情而可貴，故永御而不忘。



酒賦 有序

余覽揚雄酒賦辭甚瑰瑋頗戲而不雅聊作酒賦粗究其終始賦曰

嘉儀氏之造思亮茲美之獨珍仰酒旗之景曜  
協嘉號於天辰穆生以醴而辭楚侯嬴感爵而  
輕秦其味有宜城醪醴蒼梧醪清或秋藏冬發  
或春醞夏成或雲沸川涌或素蟻浮萍爾乃王  
孫公子遊俠翺翔將承芬以接意會陵雲之朱  
堂獻酬交錯宴笑無方以是飲者並醉縱橫謹



譁或揚袂屢舞或扣劍清歌或顰嘵辭觴或奮  
爵橫飛或歌驪駒既駕或稱朝露未晞於斯時  
也質者或文剛者或仁卑者忘賤窶者忘貧於  
是矯俗先生聞之而歎曰噫夫言何容易此乃  
淫荒之源非作者之事若耽於觴酌流情縱逸  
先王所禁君子所斥

植橘賦

有朱橘之珍樹於鶉火之遐鄉稟太陽之烈氣  
嘉杲日之休光體天然之素分不遷徙於殊方



播萬里而遙植。列銅爵之園庭。背山川之暖氣。  
處玄朔之肅清。邦換壤別爰幾。喪生處彼不凋。  
在此先零。朱實不啣焉。得素榮。惜寒暑之不均。  
嗟華實之永乖。仰凱風以傾葉。冀炎氣之可懷。  
颺鳴條以流響。希越鳥之來栖。夫靈德之所感。  
物無微而不和。神蓋幽而易激。信地道之不訛。  
旣萌根而弗榦。諒結葉而不華。漸玄化而弗變。  
非彰德於邦家。附微條以歎息。哀草木之難化。

芙蓉賦



覽百卉之英茂。無斯華之獨靈。結修根於重壤。  
泛清流而擢莖。其始榮也。皦若夜光。尋扶桑。其  
揚暉也。晃若九陽。出暘谷。芙蓉蹇產。齒苞星屬。  
絲條垂珠。丹榮吐綠。焜焜韡韡。爛若龍燭。觀者  
終朝。情猶未足。於是狡童媛女。相與同遊。擢素  
手於羅袖。接紅葩於中流。

愧賦

羨良木之華麗。爰獲貴於至尊。憑文昌之華殿。  
森列峙乎端門。觀朱棖以振條。據文陛而結根。



暢沈陰以溥覆。似明后之垂恩。在季春以初茂。  
踐朱夏而乃繁。覆陽精之炎景。散流耀以增鮮。  
神龜賦 有序

龜壽千歲。時有遺余龜者。數日而死。肌肉消盡。  
唯甲存焉。余感而賦之。曰。  
嘉四靈之建德。各潛位乎一方。蒼龍虬於東嶽。  
白虎嘯於西崗。玄武集於寒門。朱雀棲於南鄉。  
順仁風以消息。應聖時而後翔。嗟神龜之奇物。  
體乾坤之自然。下夷方以則地。上規隆而法天。



順陰陽以呼吸。藏景曜於重泉。餐飛塵以實氣。  
飲不竭於朝露。步容趾以俯仰。時鸞回而鶴顧。  
忽萬載而不恤。周無疆於太素。感白龍之翔翥。  
卒不免乎豫且。雖見珍於宗廟。罹剝剝之重辜。  
欲愬怨於上帝。將等愧乎游魚。懼沈泥之逢殆。  
赴芳蓮以巢居。安玄雲而好靜。不搖翔而改度。  
昔嚴周之抗節。援斯靈而托喻。嗟祿運之屯蹇。  
終遇獲於江濱。歸籠檻以幽處。遭滔美之仁人。  
晝顧瞻以終日。夕撫順而接晨。遘淫災以殞越。



命勦絕而不振、天道昧而未分、神明幽而難燭、黃氏沒於空澤、喬松化於株木、蛇折鱗於平臯、龍脫骨於深谷、亮物類之遷化、疑斯靈之解殼、

### 白鶴賦

嗟皓麗之素鳥兮、含竒氣之淑祥、薄幽林以屏處兮、蔭重景之餘光、狹單巢於弱條兮、懼衝風之難當、無沙棠之逸志兮、欣六翮之不傷、承邂逅之僥倖兮、得接翼於鸞凰、同毛衣之氣類兮、信休息之同行、痛美會之中絕兮、遘嚴災而逢



殃其太息而祗懼兮、抑吞聲而不揚、傷本規之  
違忤、悵離羣而獨處、恒竄伏以窮栖、獨哀鳴而  
戢羽、冀大綱之難結、得奮翅而遠遊、聆雅琴之  
清韻、記六翮之未流、

鸚鵡賦

美洲中之令鳥、越衆類之殊名、感陽和而振翼、  
遁太陰以存形、遇旅人之嚴網、殊六翮之無遺、  
身絀滯於重縲、孤鷗鳴而獨歸、豈予身之足惜、  
憐衆雛之未飛、分靡軀以潤鑊、何全濟之敢希、



蒙含育之厚德、奉君子之光輝、怨身輕而施重、  
恐往惠之中虧、常戢心以懷懼、雖處安其若危、  
永哀鳴其報德、庶終來而不疲、

離繳鴈賦

有引

余遊於武陵中、有鴈離繳不能復飛、顧命舟人  
追而得之、故憐而賦焉、

憐孤鴈之偏特、情惆焉而內傷、尋淑類之殊異、  
今稟上天之休祥、含中和之純氣、赴四節而征  
行、遠玄冬於南裔、今避炎夏於朔方、白露淒以



飛兮，秋風發乎西商，感節運之復至兮。假魏道而翱翔，接羽翮以南北兮。情逸豫而永康，望范氏之發機兮。播纖繳以凌雲，挂微軀之輕翼兮。忽頽落而離羣，旅朋驚而鳴逝兮。徒矯首而莫聞，甘充君之下厨兮。膏函牛之鼎鑊，蒙生全之顧覆兮。何恩施之隆溥，於是縱軀歸命，無慮無求，飢食稻粱，渴飲清流。

鵠賦

有引

鵠之爲禽，猛氣其闔，終無勝負期於必死。遂賦



之焉

美遐圻之偉鳥，生太行之巖阻。體貞剛之烈性，  
亮金德之所輔。戴毛角之雙立，揚玄黃之勁羽。  
其沉隕而重辱，有節俠之儀矩。降居檀澤，高處  
保岑。遊不同嶺，棲必異林。若有翻雄駭逝，孤雌  
驚翔，則長鳴挑敵，鼓翼專場。踰高越壑，雙不隻  
僵階侍斯珥，俯耀文墀。成武官之首飾，增庭燎  
之高輝。

鵠雀賦



鵠欲取雀。雀自言雀微賤。身體些小。肌肉瘠瘦。所得益少。君欲相噉。實不足飽。鵠得雀言。初不敢語。頃來輾轉。資糧乏旅。三日不食。畧思死鼠。今日相得。宜復置汝。雀得鵠言。意甚怔營。性命至重。雀鼠貪生。君得一食。我命是傾。皇天降鑑。賢者是聽。鵠得雀言。意甚怛惋。當死斃雀。頭如果蒜。不早首服。烈頸大喚。行人聞之。莫不往觀。雀得鵠言。意甚不移。目如擘椒。跳蕭二翅。我當死矣。畧無可避。鵠乃置雀。良久方去。二雀相逢。



似是公嫗。相將入草。共上一樹。仍叙本末。辛苦相語。向者近出。爲鵲所捕。賴我翻捷。體素便附。說我辨語。千條萬句。欺恐舍長。令兒大怖。我之得免。復勝於兔。自今徙意。莫復相妬。

蟬賦

唯夫蟬之清素兮。潛厥類乎太陰。在盛陽之仲夏兮。始遊豫乎芳林。實澹泊而寡慾兮。獨怡樂而長吟。聲皦皦而彌厲兮。似貞士之介心。内含和而弗食兮。與衆物而無求。棲高枝而仰首兮。



漱朝露之清流、隱柔桑之稠葉、今快啁號以遁  
暑、苦黃雀之作害、今患蟬螳之勁斧、冀飄翔而  
遠托、今毒蜘蛛之網罟、欲降身而卑窺、今懼草  
蟲之襲予、免衆難而弗獲、今遙遷集乎宮宇、依  
名果之茂陰、今托修幹以靜處、有翩翩之狡童  
今步容與於園圃、體離朱之聰視、今姿才捷於  
獼猿、條罔葉而不挽、今樹無榦而不緣、翳輕軀  
而奮進、今跪側足以自閑、恐余身之驚駭、今精  
曾睨而目連、持柔竿之冉冉、今運微黏而我纏、



欲翻飛而逾滯兮，知性命之長捐。委厥體於膳夫，歸炎炭而就燔。秋霜紛以宵下，晨風烈其過庭。氣懣怛而薄軀，足攀木而失莖。唵嘶啞以沮敗，狀枯槁以喪刑。亂曰：詩歎鳴蜩，聲嘒嘒兮。盛陽則來，太陰逝兮。皎皎貞素，侔夷節兮。帝臣是戴，尚其潔兮。

蝙蝠賦

吁何姦氣生，茲蝙蝠形殊。性詭每變常式，行不由足。飛不假翼，明伏暗動。盡似鼠形，謂鳥不似。



二足爲毛飛而含齒、巢不哺鷇、空不乳子、不容  
毛羣、斥逐羽族、下不蹈陸、上不馮木、

遷都賦序

余初封平原、轉出臨淄、中命鄆城、遂徙雍丘、改  
邑浚儀、而末將適于東阿、號則六易、居實三遷、  
連遇瘠土、衣食不繼、



騷

九詠

芙蓉車兮桂衡結，萍葢兮翠旌。駟蒼虬兮翼轂，  
驚陵魚兮驟鯨。茵薦兮蘭席，蕙幃兮苓牀。抗南  
箕兮簸瓊葉，挹天河兮滌玉觴。靈旣降兮泊靜  
默，登文階兮坐紫房。服春榮兮猗靡，雲裾繞兮  
容裔。冠北辰兮岌岌，帶長虹兮陵厲。蘭肴御兮  
玉俎，陳雅音奏兮文虞羅。感漢廣兮羨游女，揚  
激楚兮詠湘娥。臨迴風兮浮漢渚，目牽牛兮眺



織女、交有際、今會有期、嗟痛吾、今來不時來、無  
見、今進無聞、泣下雨、今歎成雲、先後悔其靡及、  
冀后王之一悟、猶擗轡而繁策、馳覆車之危路、  
羣秉舟而無楫、將何川而能度、何世俗之蒙昧、  
悼邦國之未靜、焚椒蘭其望治、由倒裳而求領、  
尋湘漢之長流、採芳岸之靈芝、遇遊女於水裔、  
採菱花而結詞、野蕭條以極望、曠千里而無人、  
民生期於必死、何自苦以終身、寧作清水之沉  
泥、不爲濁路之飛塵、



令

黃初五年令

夫遠不可知者天也。近不可知者人也。傳曰：知人則哲。堯猶病諸。諺曰：人心不同，若其面焉。唯女子與小人爲難養也。近之則不遜，遠之則有怨。詩云：憂心悄悄，愠于羣小。自世間人或受寵而背恩，或無故而入叛。違顧左右，曠然無信。大嚼者咋斷其舌。右手執斧，左手親鉞，傷夷一身之中，尚有不可信。況於人乎？唯無深瑕潛釁，隱



過匿愆。乃可以爲人。諺曰。穀千鴛不如養一驢。  
又曰。穀鴛養虎大無益也。乃知韓昭侯之弊袴。  
良有以也。使臣有三品。有可以仁義化者。有可  
以恩惠驅者。不足以導之。則當以刑罰使之。刑  
罰復不足以率之。則明主所不畜。故唐堯至仁。  
不能容無益之子。湯武至聖。不能養無益之臣。  
九折臂知爲良醫。吾知所以待下矣。諸吏各敬  
爾在位。推一槩之平。功之宜賞。於䟽必與。罪之  
宜戮。在親不赦。此令之行。有若皓日。於戲。羣臣



其覽之哉。

黃初六年令

身輕於鴻毛、而謗重於泰山、賴蒙帝主天地之  
仁、違百司之典議、舍三千之首戾、反我舊居、襲  
我初服、雲雨之施焉有量哉。孤以何功、而納斯  
貺。富而不恠、寵至不驕者、則周公其人也。孤小  
人、爾身更以榮爲戚。何者、將恐簡易之尤出於  
細。微脫爾之愆、一朝復露也。故欲修吾往業、守  
吾初志、欲使皇帝恩在摩天、使孤心常存此地。



將以全陛下厚德。究孤犬馬之年。此難能也。然固欲行衆之難。詩曰。德輶如毛。鮮克舉之。此之謂也。

寫灌均上事令

孤前令寫灌均所上孤章三臺九府所奏事及詔書一通。置之座隅。孤欲朝夕諷詠。以自警誡。



表

求自試表

臣植言臣聞士之生世入則事父出則事君事父尚於榮親事君貴於興國故慈父不能愛無益之子仁君不能畜無用之臣夫論德而授官者成功之君也量能而授爵者畢命之臣也故君無虛授臣無虛受虛授謂之謬舉虛受謂之尸祿詩之素餐所由作也昔二虢不辭兩國之任其德厚也旦奭不讓燕魯之封其功大也今



臣蒙國重恩三世於今矣。正值陛下升平之際。沐浴聖澤。潛潤德教。可謂厚幸矣。而竊位東藩。爵在上列。身被輕煖。口厭百味。目極華靡。耳倦絲竹者。爵重祿厚之所致也。退念古之授爵祿者。有異於此。皆以功勤濟國。輔主惠民。今臣無德可述。無功可紀。若此終年。無益國朝。將挂風人彼已之譏。是以上慙玄冕。俯愧朱紱。方今天下一統。九州晏如。顧西尚有違命之蜀。東有不臣之吳。使邊境未得稅甲。謀士未得高枕者。誠



欲混同宇內以致太和也。故啓滅有扈而夏功昭。成克商奄而周德著。今陛下以聖明統世。將欲卒文武之功。繼成康之隆。簡賢授能。以方叔召虎之臣。鎮御四境。爲國爪牙者。可謂當矣。然而高鳥未挂於輕繳。淵魚未懸於鈎餌者。恐鈎射之術。或未盡也。昔耿弇不俟光武。亟擊張步。言不以賊遺於君父也。故車右伏劒於鳴轂。雍門刎首於齊境。若此二子。豈惡生而尚死哉。誠忿其慢主而凌君也。夫君之寵臣。欲以除患興



利臣之事君。必殺身靜亂。以功報主也。昔賈誼  
弱冠求試屬國。請係單于之頸而制其命。終軍  
以妙年使越。欲得長纓占其王羈致北闕。此二  
臣者豈好爲夸主而曜世俗哉。志或鬱結。欲逞  
其才力。輸能於明君也。昔漢武爲霍去病治第。  
辭曰匈奴未滅。臣無以家爲。夫憂國忘家。捐軀  
濟難。忠臣之志也。今臣居外。非不厚也。而寢不  
安席。食不遑味者。以二方未尅。爲念。伏見先帝  
武臣宿將年耆卽世者有聞矣。雖賢不乏世。宿



將舊卒由習戰陣。竊不自量。志在效命。庶立毛  
髮之功。以報所受之恩。若使陛下出不世之詔。  
效臣錐刀之用。使得西屬大將軍。當一校之隊。  
若東屬大司馬。統偏師之任。必乘危蹈險。騁舟  
奮驪。突刃觸鋒。爲士卒先。雖未能擒權馘亮。庶  
將虜其雄率。殲其醜類。必效須臾之捷。以滅終  
身之愧。使名挂史筆。事列朝榮。雖身分蜀境。首  
懸吳闕。猶生之年也。如微才弗試。沒世無聞。徒  
榮其軀而豐其體。生無益於事。死無損於數。虛



荷上位而忝重祿。禽息鳥視。終於白首。此徒圉  
牢之養物。非臣之所志也。流聞東軍失備。師徒  
小衄。輟食棄餐。奮袂攘袵。撫劍東顧。而心已馳  
於吳會矣。臣昔從先武皇帝南極赤岸。東臨滄  
海。西望玉門。北出玄塞。伏見所以行師用兵之  
勢。可謂神妙矣。故兵者不可豫言。臨難而制變  
者也。志欲自効於明時。立功於聖世。每覽史籍  
觀古忠臣義士。出一朝之命。以徇國家之難。身  
雖屠裂。而功銘著於鼎鍾。名稱垂於竹帛。未嘗



不撫心而歎息也。臣聞明主使臣。不廢有罪。故  
犇北敗軍之將用。而秦魯以成其功。絕纓盜馬  
之臣赦。而楚趙以濟其難。臣竊感先帝早崩。威  
王棄世。臣獨何人。以堪長久。常恐先朝露。填溝  
壑。墳土未乾。而身名並滅。臣聞騏驥長鳴。伯樂  
昭其能。盧狗悲號。韓國知其才。是以效之齊楚  
之路。以逞千里之任。試之狡兔之捷。以驗搏噬  
之用。今臣志狗馬之微功。竊自惟度。終無伯樂  
韓國之舉。是以於悒而竊自痛者也。夫臨博而



企竦聞樂而竊抃者。或有賞音而識道也。昔毛  
遂趙之陪隸。猶假錐囊之喻。以寤主立功。何況  
巍巍大魏多士之朝。而無慷慨死難之臣乎。夫  
自衒自媒者。士女之醜行也。干時求進者。道家  
之明忌也。而臣敢陳聞於陛下者。誠與國分形  
同氣。憂患共之者也。冀以塵霧之微。補益山海。  
螢燭末光。增輝日月。是以敢冒其醜。而獻其忠。  
必知爲朝士所笑。聖主不以人廢言。伏惟陛下  
少垂神聽。臣則幸矣。



求通親親表

臣植言臣聞天稱其高者以無不覆地稱其廣者以無不載日月稱其明者以無不照江海稱其大者以無不容故孔子曰大哉堯之爲君惟天爲大惟堯則之夫天德於萬物可謂弘廣矣蓋堯之爲教先親後疎自近及遠其傳曰克明峻德以親九族九族旣睦平章百姓及周之文王亦崇厥化其詩曰刑于寡妻至於兄弟以御于家邦是以雍雍穆穆風人詠之昔周公弔管



蔡之不咸。廣封懿親。以藩屏王室。傳曰。周之宗盟。異姓爲後。誠骨肉之恩。爽而不離。親親之義。寔在敦固。未有義而後其君。仁而遺其親者也。伏惟陛下。資帝唐欽明之德。體文王翼翼之仁。惠洽椒房。恩昭九族。羣臣百僚。番休遞上。執政不廢於公朝。下情得展於私室。親理之路通。慶弔之情展。誠可謂恕已治人。推惠施恩者矣。至於臣者。人道絕緒。禁錮明時。臣竊自傷也。不敢過望。交氣類修人事。叙人倫。近且婚媾不通。兄弟



永絕吉凶之問塞。慶弔之禮廢。恩紀之違甚於  
路人。隔閼之異殊於胡越。今臣以一切之制。永  
無朝覲之望。至於注心皇極。結情紫闥。神明知  
之矣。然天實爲之。謂之何哉。退惟諸王常有戚  
戚具爾之心。願陛下沛然垂詔。使諸國慶問。四  
節得展。以叙骨肉之歡恩。全怡怡之篤義。妃妾  
之家。膏沐之遺。歲得再通。齊義於貴宗。等惠於  
百司。如此則古人之所歎。風雅之所詠。復存於  
聖世矣。臣伏自惟省無錐刀之用。及觀陛下之



所○拔○授○若○以○臣○爲○異○姓○竊○自○料○度○不○後○於○朝○士○  
矣○若○得○辭○遠○遊○戴○武○弁○解○朱○組○佩○青○綬○駙○馬○奉○  
車○趣○得○一○號○安○宅○京○室○執○鞭○珥○筆○出○從○華○蓋○入○  
侍○輦○轂○承○答○聖○問○拾○遺○左○右○乃○臣○丹○誠○之○至○願○  
不○離○於○夢○想○者○也○遠○慕○鹿○鳴○君○臣○之○宴○中○詠○棠○  
棣○匪○他○之○誠○下○思○伐○木○友○生○之○義○終○懷○蓼○莪○罔○  
極○之○哀○每○四○節○之○會○塊○然○獨○處○左○右○唯○僕○隸○所○  
對○唯○妻○子○高○談○無○所○與○陳○發○義○無○所○與○展○未○嘗○  
不○聞○樂○而○拊○心○臨○觴○而○歎○息○也○臣○伏○以○爲○犬○馬○



之誠不能動人。譬人之誠不能動天。崩城隕霜。臣初信之。以臣心況徒虛語耳。若葵藿之傾葉。太陽雖不爲之廻光。然終向之者誠也。臣竊自比葵藿。若降天地之施。垂三光之明者。寔在陛下。臣聞文子曰。不爲福始。不爲禍先。今之否隔。友于同憂。而臣獨唱言者。何也。竊不願於聖世。使有不蒙施之物。有不蒙施之物。必有慘毒之懷。故栢舟有天只之怨。谷風有棄予之歎。伊尹耻其君不爲堯舜。孟子曰。不以舜之所以事堯。



陳思王集卷之二十一  
事其君者不敬其君者也。臣之愚蔽固非虞伊。至於欲使陛下崇光被時雍之美。宣緝熙章明之德者。是臣悽悽之誠。竊所獨守。寔懷鶴立企伫之心。敢復陳聞者。冀陛下儻發天聰而垂神聽也。

宛轉悲激不減中山靖王聞樂對

陳審舉表

臣聞天地協氣而萬物生。君臣合德而庶政成。五帝之世非皆智。三季之末非皆愚。用與不用。



知與不知也。旣時有舉賢之名。而無得賢之實。必各援其類而進矣。諺曰。相門有相。將門有將。夫相者。文德昭者也。將者。武功烈者也。文德昭。則可以匡國朝。致雍熙。稷契夔龍是也。武功烈。則可以征不庭。威四夷。南仲方叔是矣。昔伊尹之爲媵臣。至賤也。呂尚之處屠釣。至陋也。及其見舉於湯武。周文。誠道合志同。立謨神通。豈復假近習之薦。因左右之介哉。書曰。有不世之君。必能用不世之臣。用不世之臣。必能立不世之



功殷周二王是矣。若夫齷齪近步，遵常守故，安足爲陛下言哉。故陰陽不和，三光不暢，官曠無人，庶政不整者，三司之責也。疆場騷動，方隅內侵，沒軍喪衆，干戈不息者，邊將之憂也。豈可虛荷國寵而不稱其任哉。故任益隆者，負益重，位益高者，責益深。書稱無曠庶官，詩有職思其憂，此其義也。陛下體天真之淑聖，登神機以繼統，冀聞康哉之謠，偃武行文之美，而數年以來，水旱不時，民困衣食，師徒之發，歲歲增調，加東有



覆敗之軍西有殪沒之將至使蚌蛤浮翔於淮  
泗鼪鼯謹譁於林木臣每念之未嘗不輟食而  
揮餐臨觴而搯腕矣昔漢文發代疑朝有變宋  
昌曰內有朱虛東牟之親外有齊楚淮南琅邪  
此則盤石之宗願王勿疑臣伏惟陛下遠覽姬  
文二虢之援中慮周成召畢之輔下存宋昌盤  
石之固昔騏驥之於吳阪可謂困矣及其伯樂相  
之孫邴御之形體不勞而坐取千里蓋伯樂善  
御馬明君善御臣伯樂馳千里明君致太平誠



任賢使能之明效也。若朝司惟良，萬機內理，武將行師，方難克弭。陛下可得雍容都城，何事勞動？鑾駕暴露於邊境哉？臣聞羊質虎皮，見草則悅，見豺則戰，忘其皮之虎也。今置將不良，有似於此。故語曰：患爲之者不知，知之者不得爲也。昔樂毅奔趙，心不忘燕；廉頗在楚，思爲趙將。臣生乎亂，長乎軍，又數承教於武皇帝，伏見行師用兵之要，不必取孫吳而闇與之合，竊揆之於心，常願得一奉朝覲，排金門，蹈玉陛，列有職之



臣賜須臾之間使臣得一散所懷攄舒蘊積死  
不恨矣被鴻臚所下發士息書期會甚急又聞  
豹尾已建戎軒驚駕陛下將復勞玉躬擾挂神  
思臣誠竦息不遑寧處願得策馬執鞭首當塵  
露撮風后之奇接孫吳之要追慕卜商起予左  
右效命先驅畢命輪轂雖無大益冀有小補然  
天高聽遠情不上通徒獨望青雲而拊心仰高  
天而歎息耳屈平曰國有驥而不知乘焉皇皇  
而更索昔管蔡放誅周召作弼叔魚陷刑叔向



匡國三監之釁。臣自當之。二南之輔。求不必遠。華宗貴族。藩王之中。必有應斯舉者。故傳曰。無周公之親。不得行周公之事。唯陛下少留意焉。近者漢氏廣建藩王。豐則連城數十。約則饗食祖祭而已。未若姬周之樹國。五等之品制也。若扶蘇之諫。始皇滔于越之難。周青臣可謂知時變矣。夫能使天下傾耳注目者。當權者是矣。故謀能移主。威能懾下。豪右執政。不在親戚。權之所在。雖疏必重。勢之所去。雖親必輕。蓋取齊者。



田族非呂宗也。分晉者趙魏。非姬姓也。惟陛下  
察之。苟古專其位。凶離其患者。異姓之臣也。欲  
國之安。祈家之貴。存共其榮。沒同其禍者。公族  
之臣也。今反公族疏而異姓親。臣竊惑焉。臣聞  
孟子曰。君子窮則獨善其身。達則兼善天下。今  
臣與陛下踐冰履炭。登山浮澗。寒溫燥濕。高下  
共之。豈得離陛下哉。不勝憤懣。拜表陳情。若有  
不合。乞且藏之書府。不便滅棄。臣死之後。事或  
可思。若有豪釐少挂聖意者。乞出之朝堂。使夫



博古之士、糾臣表之不合義者、如是則臣願足矣、

諫取諸國士息表

臣聞古者聖君與日月齊其明、四時等其信、是以戮凶無重、賞善無輕、怒若驚霆、喜若時雨、恩不中絕、教無二可、以此臨朝、則臣下知所死矣。受任在萬里之外、審主之所以授官、必己之所以授命、雖有構會之徒、泊然不以爲懼者、蓋君臣相信之明效也。昔章子爲齊將、人有告之反



者威王曰不然左右曰王何以明之王曰聞章子改葬死母彼尚不欺死父顧當叛生君乎此君之信臣也昔管仲親射桓公後幽囚從魯檻車載使少年挽而送齊管仲知桓公之必用已懼魯之悔謂少年曰吾爲汝唱汝爲和聲和聲宜走於是管仲唱之少年走而和之日行數百里宿昔而至至則相齊此臣之信君也臣初受封策書曰植受茲青社封於東土以屏翰皇家爲魏藩輔而所得兵百五十人皆年在耳順或



不踰矩。虎賁官騎及親事凡二百餘人。正復不老。皆使年壯。備有不虞。檢校乘城。顧不足以自救。况皆復耄耄罷曳乎。而名爲魏東藩。使屏翰王室。臣竊自羞矣。就之諸國。國有士子。合不過五百人。伏以爲三軍益損。不復賴此。方外不定。必當須辦者。臣願將部曲倍道奔赴。夫妻負襁。子弟懷糧。蹈鋒履刃。以徇國難。何但習業小兒哉。愚誠以揮涕增河。鼯鼠飲海。於朝萬無損益。於臣家計。甚有廢損。又臣土息前後三送。兼人



已竭。惟尚有小兒七八歲已上，十六七已還，三十餘人。今部曲皆年耆，卧在牀席，非糜不食，眼不能視，氣息裁屬者，凡三十七人。疲瘵風癘，疣盲聾瞶者，二十三人。惟正須此小兒，大者可備宿衛，雖不足以禦寇，粗可以警小盜。小者未堪大使，爲可使耘鋤穢草，驅護鳥雀。休候人則一事廢。一日獵，則衆業散。不親自經營，則功不攝。常自躬親，不委下吏而已。陛下聖仁，恩詔三至，士子給國長，不復發明詔之下，有若皦日，保金



石之恩。必明神之信。晝然自固。如天如地。定習業者。並復見送。晦若晝。晦悵然失圖。伏以爲陛下旣爵臣百寮之右。居藩國之任。爲置卿士。屋名爲宮。冢名爲陵。不使其危居獨立。無異於凡庶。若栢成欣於野耕。子仲樂於灌園。蓬戶茅牖。原憲之宅也。陋巷簞瓢。顏子之居也。臣才不見效用。常慨然執斯志焉。若陛下聽臣悉還部曲。罷官屬。省監官。使解璽釋紱。追栢成子仲之業。營顏淵原憲之事。居子臧之廬。宅延陵之室。如



此雖進無成功。退有可守。身死之日。猶松喬也。然伏度國朝。終未肯聽臣之若是。固當羈絆於世繩。維繫於祿位。懷屑屑之小憂。執無已之百念。安得蕩然肆志。逍遙於宇宙之外哉。此願未從。陛下必欲崇親親。篤骨肉。潤白骨。而榮枯木者。惟遂仁德。以副前思。

諫伐遼東表

臣伏以遼東負阻之國。勢便形固。帶以遼海。今輕車遠攻。師疲力屈。彼有其備。所謂以逸待勞。



以飽制饑者也。以臣觀之。誠未易攻也。若國家  
攻之而必克。屠襄平之城。懸公孫之首。得其地  
不足以償中國之費。虜其民不足以補三軍之  
失。是我所獲不如所喪也。若其不拔。曠日持久。  
暴師於野。然天時不測。水濕無常。彼我之兵。連  
於城下。進則有高城深池。無所施其功。退則有  
歸途不通道。路濺洳。東有待釁之吳。西有伺隙  
之蜀。吳起東南。則荆楊騷動。蜀應西境。則雍涼  
三分。兵不解於外。民罷困於內。促耕不解其饑。



疾蠶不救其寒。夫渴而後穿井。饑而後殖種。可  
以圖遠。難以應卒也。臣以爲當今之務。在於省  
徭役。薄賦歛。勤農桑。三者旣備。然後令伊管之  
臣。得施其術。孫吳之將。得奮其力。若此。則太平  
之基。可立而待。康哉之歌。可坐而聞。曾何憂於  
二敵。何懼於公孫乎。今不息邦畿之內。而勞神  
於蠻貊之域。竊爲陛下不取也。

慶文帝受禪表

陛下以聖德龍飛。順天革命。允答神符。誕作民



主乃祖先后積德累仁世濟其美以暨於先王  
勤恤民隱劬勞戮力以除其害經營四方不遑  
啓處是用隆茲福慶光啓於魏陛下承統贊成  
前緒克廣德音綏靜內外紹先周之舊跡襲文  
武之懿德係大定功海內爲一豈不休哉

慶受禪上禮表

陛下以明聖之德受天顯命良辰卽祚以臨天  
下洪化宣流洋溢宇內是以普天率土莫不承  
風欣慶執贄奔走奉賀闕下况臣親體至戚懷



歡踊躍

龍見賀表

臣聞鳳凰復見於鄴南黃龍雙出於清泉聖德至理以致嘉瑞將棲鳳於林囿參龍於陂池爲百姓旦夕之所觀。

初封安鄉侯表

臣抱罪卽道憂惶恐怖不知刑罪當所限齊陛下哀愍臣身不聽有司所執待之過厚卽日於延津受安鄉侯印綬奉詔之日且懼且悲懼於



不修。始違憲法。悲於不慎。速此貶退。上增陛下  
垂念。下遺太后見憂。臣自知罪深責重。受恩無  
量。精魄飛散。忘軀殞命。

封甄城王謝表

臣愚駑垢穢。才質疵下。過受陛下日月之恩。不  
能摧身碎首。以答陛下厚德。而狂悖發露。始干  
天憲。自分放棄。抱罪終身。苟貪視息。無復希幸。  
不悟聖恩。爵以非望。枯木生葉。白骨更肉。非臣  
罪戾。所當宜蒙。俯仰慙惶。五內戰悸。奉詔之日。



悲喜參至。雖因拜章。陳答聖恩。下情未展。

轉封東阿王謝表

奉詔太皇太后念雍丘下濕少桑。欲轉東阿。當合王意。可遣人按行。知可居不。奉詔之日。伏增悲喜。臣以無功。虛荷國恩。爵尊祿厚。用無益於時。脂車秣馬。志在黜放。不圖陛下天父之恩。猥宣皇太后慈母之念。遷之。陛下幸爲久長計。聖旨惻隱。恩過天地。臣在雍丘。劬勞五年。左右罷怠。居業向定。園果萬株。枝條始茂。私情區區。實



所重棄。然桑田無業。左右貧窮。食裁餬口。形有  
鰥露。臣聞古之仁君。必有棄國。以爲百姓。況乃  
轉居沃土。人從蒙福。江海所流。無地不潤。雲雨  
所加。無物不茂。若陛下念臣八從五年之勤。少  
見佐助。此枯木生華。白骨更肉。非臣之敢望也。  
饑者易食。寒者易衣。臣之謂矣。

謝妻改封陳妃表

璽書。今以東阿王妃爲陳王妃。并下卹綬。因故  
上前所假卹。以其拜授書。以卽日到。臣輒奉詔。



拜其才質底下、謬同受私、遇寵素餐、臣爲其首、  
陛下體乾坤育物之德、東海含容之大、乃復隨  
例顯封大國、光揚章灼、非臣負薪之才、所宜克  
當、非臣穢黷、所宜蒙獲、夙夜憂歎、念報罔極、洪  
施遂隆、旣榮枝幹、猥復正臣妃、爲陳妃、光耀宣  
朗、非妾婦忝恩、所當蒙被、葵藿草物、猶感恩養、  
況臣含氣銜珮、弘惠歿而後已、誠非翰墨屢辭、  
所能報答、

謝八觀表



臣得出幽屏之城。獲覲百官之美。此一喜也。背  
茅茨之陋。登閭闔之閭。此二喜也。必以有覲之  
容。瞻見穆穆之顏。此三喜也。將以檇杙之質。稟  
受崇聖之訓。此四喜也。

又

不世之命。非所致思。有若披浮雲而覲白日出  
幽谷而登喬木。目希庭燎。心存泰極。

謝周觀表

詔使周觀。初玩雲盤。北觀疏圃。遂步九華。神明



特處譎詭天然。誠可謂帝室皇居者矣。雖崑崙閭風之麗。文昌之居。不是過也。

謝明帝賜食表

近得賜御食。拜表謝恩。尋奉手詔。愍臣瘦弱。奉詔之日。涕泣橫流。雖文武二帝。所以愍憐於臣。不復過於明詔。

謝賜柰表

卽夕。殿中虎賁宣詔。賜臣等冬柰一奩。詔賜使溫啖。夜非食時。而賜見及。柰以夏熟。今則冬至。



物。以。非。時。爲。珍。恩。以。絕。口。爲。厚。非。臣。等。所。宜。荷。之。

謝鼓吹表

許以簫管之樂。榮以田游之嬉。陛下仁重有虞。恩過周旦。濟世安宗。實在聖德。

答明帝詔表

奉詔所作故平原公主誄。文義相扶。章章殊興。句句感切。

上責躬詩表



臣植言。臣自抱釁歸藩。刻肌刻骨。追思罪戾。晝  
分而食。夜分而寢。誠以天網不可重羅。聖恩難  
可再恃。竊感相鼠之篇。無禮遄死之義。形影相  
弔。五情愧赧。以罪棄生。則違古賢久改之勸。忍  
垢苟全。則犯詩人胡顏之譏。伏惟陛下德象天  
地。恩隆父母。施暢春風。澤如時雨。是以不別荆  
棘者。慶雲之惠也。七子均養者。鳴鳩之仁也。含  
罪責功者。明君之舉也。矜愚愛能者。慈父之恩  
也。是以愚臣徘徊於恩澤。而不敢自棄者也。前



奉詔書臣等絕朝心離志絕自分黃耆永無執  
圭之望不圖聖詔猥垂齒召至止之日馳心輦  
轂僻處西館未奉闕庭踊躍之懷瞻望反側不  
勝犬馬戀主之情謹拜表并獻詩二首詞旨淺  
末不足採覽貴露下情冒顏以聞

上卞太后誄表

太行皇太后資坤元之性體載物之仁齊美姜  
姬等德任姒佐政內朝惠加四海草木荷恩含  
氣受潤庶鍾元吉承育萬祚何圖一旦早棄明



朝背絕臣庶悲痛靡告臣聞銘以述德誄尚及  
哀是以冒越諒闇之禮作誄一篇知不足讚揚  
明貴以展臣蓼莪之思憂荒情散不足觀采

上先帝賜鎧表

先帝賜臣鎧黑光明光各一領兩當鎧一領今  
代以昇平兵革無事乞悉以付鎧曹自理

冬至獻襪履表

伏見舊儀國家冬至獻履貢襪所以迎福踐長  
先臣或爲之頌臣旣玩其嘉藻願述朝慶千載



昌期一陽嘉節，四方交泰，萬彙昭蘇，亞歲迎祥。  
履長納慶，不勝感節情，繫帷幄，拜表奉賀，并獻  
紋履七量，襪若干副，茅茨之陋，不足以入金門。  
登玉臺也。

獻璧表

臣聞玉不隱瑕，臣不隱情，伏知所進，非和氏之  
璞。萬國之幣，璧爲充貢。

獻馬表

臣於先武皇帝世，得大宛紫騮一疋，形法應圖。



善持頭尾教令習拜今輒已能又能行與鼓節相應謹以表奉獻

獻牛表

臣聞物以洪珍細亦或貴故不見僬僥之微不知泱泱之泰不見果下之乘不別龍馬之大高下相懸所以致觀也謹奉牛一頭不足追遵大小之制形少有殊敢不獻上

請招降江東表

臣聞士之羨永生者非徒以甘食麗服宰割萬



物而已。將有以補益羣生，尊主惠民，使功存於竹帛，名光於後嗣。今臣文不昭於俎豆，武不習於干戈，而竊位藩王，施祿東夏，消損天日，無益聖朝。淮南尚有山竄之賊，吳會猶有潛江之虜。使戰士未獲歸於農畝，五兵未得收於武庫。蓋善論者不恥謝，善戰者不羞走。夫凌雲者泥蟠者也。後伸者先屈者也。是以神龍以爲德，尺蠖以昭義。昔湯事葛，文王事大夷，固仁者能以大事小。若陛下遺明哲之使，繼能陸賈之蹤者，使



之江南。發愷悌之詔。明日月之信。開以降路。權必奉承聖化。斯不疑也。

請用賢表

舊集割裂審舉表蒙此之前名曰又請自試表今正之

昔段干木修德於閭閻。秦師爲之輟攻。而文侯以安。穰苴授節於邦境。燕晉爲之退師。而景公無患。皆簡德尊賢之所致也。願陛下垂高宗傅巖之明。以顯中興之功。

望恩表

臣聞寒者不貪尺玉而思裋褐。饑者不願千金



而美一餐、夫千金尺玉至貴、而不若一餐、豆、褐、者、物有所急也、

請祭先王表

自計違遠以來、有踰旬日、垂竟夏節、方到、臣悲傷有心、先王公夏至日終、是以家俗不以夏日祭、至於先王、自可以今辰告祠、臣雖卑鄙、實稟體於先王、自臣雖貧窶、蒙陛下厚賜、足供大牢之具、臣欲祭先王於北河之上、羊猪牛、臣能自辦者、臣縣自有先王喜鰈、臣前以表得徐州臧



霸二鰓百枚。足自供事。請水瓜五枚。計先王崩來。未能半歲。臣實欲告敬。且欲復盡哀。

請赴元正表

欣豫百官之美。想見朝覲之禮。耳存九成。目想率舞。

作車帳表

欲遣人到鄴市上黨布五十疋。作車上小帳帷。謁者不聽。

乞田表



乞城內及城邊好田盡所賜百年力者臣雖生  
自至尊。然心甘田野。性樂稼穡。

獵表

於七月伏鹿鳴塵。四月五月射雉之際。此正樂  
獵之時。

歐冶表

昔歐冶改視鉛刀易價。伯樂所盼。駑馬百倍。

上銀鞍表

於先武皇帝世。勅此銀鞍一具。初不敢乘。謹奉



上

謝賜穀表

詔書念臣經用不足以沿河邸閣穀五千斛賜  
臣



位列侯。榮曜當世。顧影慚形。流汗反側。洪恩罔  
極。雲雨增加。旣榮本幹。枝葉并蒙。苗志小豎。旣  
頑且稚。猥荷列爵。並佩金紫。施崇所加。惠及父  
子。



書

與楊德祖書

植白數日不見思子爲勞想同之也僕少小好爲文章迄至於今二十有五年矣然今世作者可畧而言也昔仲宣獨步於漢南孔璋鷹揚於河朔偉長擅名於青土公幹振藻於海隅德璉發跡於北魏足下高視於上京當此之時人人自謂握靈蛇之珠家家自謂抱荆山之玉吾王於是設天網以該之頓八紘以掩之今悉集茲



國矣。然此數子猶復不能飛騫絕跡。一舉千里也。以孔璋之才。不閑於辭賦。而多自謂能與司馬長卿同風。譬畫虎不成。反爲狗者也。前爲書嘲之。反作論盛道僕讚其文。夫鍾期不失聽於今。稱之吾亦不能妄歎者。畏後世之嗤余也。世人著述。不能無病。僕常好人譏彈。其文有不善者。應時改定。昔丁敬禮嘗作小文。使僕潤飾之。僕自以才不過若人。辭不爲也。敬禮謂僕卿何所疑難。文之佳惡。吾自得之。後世誰相知定。吾



文者邪。吾常歎此達言。以爲美談。昔尼父之文辭。與人通流。至於制春秋。游夏之徒。乃不能措一辭。過此而言不病者。吾未之見也。蓋有南威之容。乃可以論於淑媛。有龍淵之利。乃可以議於斷割。劉季緒才不能逮於作者。而好詆訶文章。倚撫利病。昔田巴毀五帝罪三王。咎五霸於稷。下一旦而服千人。魯連一說。使終身杜口。劉生之辯。未若田氏。今之仲連。求之不難。可無歎息乎。人各有好尚。蘭茝蓀蕙之芳。衆人之所好。



而海畔有逐臭之夫。咸池六英之發。衆人所共樂。而墨翟有非之之論。豈可同哉。今往僕少小所著辭賦一通相與。夫街談巷說。必有可采。擊轅之歌。有應風雅。匹夫之思。未易輕棄也。辭賦小道。固未足以揄揚大義。彰示來世也。昔揚子雲先朝執戟之臣耳。猶稱壯夫不爲也。吾雖薄德。位爲藩侯。猶庶幾戮力上國。流惠下民。建永世之業。留金石之功。豈徒以翰墨爲勲績。辭賦爲君子哉。若吾志不果。吾道不行。亦將採史官



之實錄。辨時俗之得失。定仁義之衷。成一家之言。雖未能藏之於名山。將以傳之於同好。非要之皓首。豈以今日之論乎。其言之不慚。恃惠子之知我也。明早相迎。書不盡懷。曹植白。

### 與吳質書

植白。季重足下。前日雖因常調。得爲密坐。雖讌飲。彌日。其於別遠。會稀。猶不盡其勞積也。若夫觴酌陵波於前。簫笳發音於後。足下鷹揚其體。鳳觀虎視。謂蕭曹不足儔。衛霍不足侔也。左顧



右眄謂若無人，豈非吾子壯志哉！過屠門而大嚼，雖不得肉，貴且快意。當斯之時，願舉泰山以爲肉，傾東海以爲酒，伐雲夢之竹以爲笛，斬泗濱之梓以爲箏，食若填巨壑，飲若灌漏卮，其樂固難量，豈非大丈夫之樂哉！然日不我與，曜靈急節，面有逸景之速，別有參商之濶，思欲抑六龍之首，頓羲和之轡，折若木之華，閉濛汜之谷，天路高邈，良久無緣，懷戀反側，如何如何，得所求訊，文采委曲，晁若春榮，瀏若清風，申詠反覆。



曠若復面其諸賢所著文章想還所治復申詠  
之也可令憲事小史諷而誦之夫文章之難非  
獨今也古之君子猶亦病諸家有千里驥而不  
珍焉人懷盈尺和氏而無貴矣夫君子而不知  
音樂古之達論謂之通而蔽墨翟不好伎何爲  
過朝歌而迴車乎足下好伎而正值墨氏迴車  
之縣想足下助我張目也又聞足下在彼自有  
佳政夫求而不得者日有之矣未有不求而自  
得者也且改轍易行非良樂之御易民而治非



陳思王集卷之十一  
楚鄭之政願足下勉之而已矣適對嘉賓口授  
不悉往來數相聞曹植白

與司馬仲達書

今賊徒欲保江表之城守區區之吳爾無有爭  
雄於宇內角勝於千原之志也故其俗蓋以洲  
渚爲營壁江淮爲城塹而已若可得挑致則吾  
一旅之卒足以敵之矣蓋弋鳥者矯其矢釣魚  
者理其綸此皆度彼爲慮因象設宜者也今足  
下曾無矯矢理綸之謀徒欲候其離舟伺其登



陸乃圖并吳會之地收陳野之民恐非主上授節將軍之心也。

與陳琳書

夫披翠雲以爲衣戴北斗以爲冠帶虹蜺以爲紳連日月以爲佩此服非其美也然而帝王不服者望殊於天志絕於心矣

與丁敬禮書

頃不相聞覆相聲音亦爲怪故蔡興爲書含欣而秉筆大笑而吐辭亦歡之極也



答崔文始書

臨江直釣不獲一鱗非江魚之不食其所餌之  
者非也是以君子慎舉擢。



序

前錄自序

故君子之作也儼乎若高山勃乎若浮雲質素也如秋蓬摛藻也如春葩汜乎洋洋光乎皜皜與雅頌爭流可也余少而好賦其所尚也雅好慷慨所著繁多雖觸類而作然蕪穢者衆故刪定別撰爲前錄七十八篇

柳頌序

予以閑暇駕言出遊過友人楊德祖之家視其



屋宇寥廓庭中有一柳樹聊戲刊其枝葉故著  
斯文表之遺翰遂因辭勢以譏當今之士。

酈生頌序

余道經酈生之墓聊駐書此文于其碑側。



七

七啓

昔枚乘作七發，傅毅作七激，張衡作七辯，崔駰作七依，辭各美麗，予有慕之焉，遂作七啓，并命王粲作焉。

玄微子隱居大荒之庭，飛遯離俗，澄神定靈，輕祿傲貴，與物無營，耽虛好靜，羨此永生，獨馳思乎天雲之際，無物象而能傾，於是鏡機子聞而將往說焉，駕超野之駟，乘追風之輿，經迥漠，出



幽墟入乎泱漭之野，遂屈立微子之所居。其居也，左激水，右高岑，背洞壑，對芳林，冠皮弁，被文裘，出山岫之潛穴，倚峻崖而嬉游，志飄飄焉，髡髡焉，似若狹六合而隘九州。若將飛而未逝，若舉翼而中留，於是鏡機子攀葛藟而登，距崑而立，順風而稱曰：予聞君子不遯俗而遺名，智士不背世而滅勲。今吾子棄道藝之華，遺仁義之英，耗精神乎虛廓，廢人事之紀經，譬若畫形於無象，造響於無聲，未之思乎！何所規之不通也。



玄微子俯而應之曰噫有是言乎夫太極之初  
混沌未分萬物紛錯與道俱隆蓋有形必朽有  
跡必窮芒芒元氣誰知其終名穢我身位累我  
躬竊慕古人之所志仰老莊之遺風假靈龜以  
托喻寧掉尾於塗中

鏡機子曰夫辯言之艷能使窮澤生流枯木發  
榮庶感靈而激神况近在乎人情僕將爲吾子  
說遊觀之至娛演聲色之妖靡論變化之至妙  
敷道德之弘麗願聞之乎玄微子曰吾子整身



倦世探隱、拯沈不遠遐路、幸見光臨、將敬滌耳、  
以聽玉音、

鏡機子曰、芳菰精粃、霜蓄露葵、立熊素膚、肥豢  
膿肌、蟬翼之割、剖纖析微、累如疊穀、離若散雪、  
輕隨風飛、刃不轉切、山鷄斥鴳、珠翠之珍、搴芳  
苓之巢龜、膾西海之飛鱗、臞江東之潛鼃、膳漢  
南之鳴鶉、糝以芳酸、甘和既醇、玄冥適鹹、蓐收  
調辛、紫蘭丹椒、施和必節、滋味既殊、遺芳射越、  
乃有春清縹酒、康狄所營、應化則變、感氣而成、



彈徵則苦發扣宮則甘生於是盛以翠樽酌以  
雕觴浮蟻鼎沸酷烈馨香可以和神可以娛腸  
此肴饌之妙也子能從我而食之乎玄微子曰  
予甘藜藿未暇此食也

鏡機子曰步光之劍華藻繁縟飾以文犀雕以  
翠綠綴以驪龍之珠錯以荆山之玉陸斷犀象  
未足稱雋隨波截鴻水不漸刃九旒之冕散曜  
垂文華組之纓從風紛紜佩則結綠懸黎寶之  
玅微符采照爛流景揚輝黼黻之服紗縠之裳



金華之舄、動趾遺光、繁飾參差、微鮮若霜、緄佩  
綢繆、或彫或錯、薰以幽若、流芳肆布、雍容閑步、  
周旋馳燿、南威爲之解顏、西施爲之巧笑、此容  
飾之妙也、子能從我而服之乎、玄微子曰、予好  
毛褐、未暇此服也、

鏡機子曰、馳騁足用、蕩思遊獵、可以娛情、僕將  
爲吾子、駕雲龍之飛駟、飾玉輅之繁纓、垂宛虹  
之長綏、抗招搖之華旂、挿忘歸之矢、秉繁弱之  
弓、忽躡景而輕鶩、逸奔驥而超遺風、於是礧填



谷塞榛藪平夷緣山置且彌野張罟下無漏跡  
上無逸飛鳥集獸屯然後會圍獠徒雲布武騎  
霧散丹旗耀野戈爰皓旰曳文狐掩狡兔捎鷗  
鵝拂振鷺當軌見藉值足遇踐飛軒電逝獸隨  
輪轉翼不暇張足不及騰動觸飛鋒舉挂輕魯  
搜林索險探薄窮阻騰山赴壑風厲焱舉機不  
虛發中必飲羽於是人稠網密地逼勢脇哮鬪  
之獸張牙奮鬣志在觸突猛氣不懼乃使北宮  
東郭之儔生抽豹尾分裂羶肩形不抗手骨不



隱拳批熊碎掌、拉虎摧斑、野無毛數、林無羽羣、  
積獸如陵、飛翮成雲、於是駮鐘鳴鼓、收旌弛旆、  
頓綱縱網、罷獠回邁、駿騄齊驤、揚鑾飛沫、俯倚  
金輶、仰撫翠蓋、雍容暇豫、娛志方外、此羽獵之  
妙也、子能從我而觀之乎、  
玄微子曰、予性樂恬  
靜、未暇此觀也、

鏡機子曰、閑宮顯敞、雲屋皓旰、崇景山之高基、  
迎清風而立觀、彤軒紫柱、文榱華梁、綺井含葩、  
金墀玉廂、溫房則冬、服絺綌、清室則中夏含霜、



華閣綠雲飛，陞凌虛俯眺。流星仰觀八閤，升龍攀而不逮。眇天際而高居，繁巧神怪，變名異形。班輸無所措其斧斤，離婁爲之失睛。麗草交植，殊品詭類。綠葉朱榮，熙天曜日。素水盈沼，叢木成林。飛翮陵高，鱗甲隱深。於是逍遙暇豫，忽若忘歸。乃使任子垂釣，魏氏發機。芳餌沉水，輕繳弋飛。落翳雲之翔鳥，援九淵之靈龜。然後採菱華，擢水蘋，弄蛛蟀，戲鮫人。諷漢廣之所詠，覲遊女於水濱。燿神景於中沚，被輕縠之織羅。遺芳



烈而靖步、抗皓手而清歌、歌曰、望雲際兮有好  
仇、天路長兮往無由、佩蘭蕙兮爲誰修、嫵婉絕  
兮我心愁、此宮館之妙也、子能從我而居之乎、  
立微子曰、予耽巖穴、未暇此居也、

鏡機子曰、旣遊觀中原、逍遙閒宮、情放志蕩、淫  
樂未終、亦將有才人妙妓、遺世越俗、揚北里之  
流聲、紹陽阿之妙曲、爾乃御文軒、臨洞庭、琴瑟  
交揮、左篴右笙、鐘鼓俱振、簫管齊鳴、然後姣人  
乃被文縠之華袿、振輕綺之飄飄、戴金搖之熠



耀揚翠羽之雙翹，揮流芳耀飛文，厯盤鼓煥續，  
紛長裾隨風，悲歌入雲，躋捷若飛，蹈虛遠蹠，陵  
躍超驤，蜿蟬揮霍，翔爾鴻翥，潏然鳬沒，縱輕體  
以迅赴，景追形而不逮，飛聲激塵，依違厲響，才  
捷若神，形難爲象，於是爲歡未渫，白日西頽，散  
樂變飾，微步中閨，立眉弛兮鉛華落，收亂髮兮  
拂蘭澤，形矯服兮揚幽若，紅顏宜笑，睇盼流光，  
時與吾子攜手同行，踐飛除，卽閒房，華燭爛，幄  
幕張，動朱唇，發清商，揚羅袂，振華裳，九秋之夕，



爲歡未央此聲色之妙也子能從我而遊之乎  
玄微子曰予願清虛未暇此遊也

鏡機子曰予聞君子樂奮節以顯義烈士甘危  
軀以成仁是以雄俊之徒交黨結倫重氣輕命  
感分遺身故田光伏劍於北燕公叔畢命於西  
秦果毅輕斷虎步谷風威懾萬乘華夏稱雄詞  
未及終而玄微子曰善鏡機子曰此乃遊俠之  
徒耳未足稱妙也若夫田文無忌之儔乃上古  
之俊公子也皆飛仁揚義騰躍道藝遊心無方



抗志雲際，陵轢諸侯，驅馳當世，揮袂則九野生風，慷慨則氣成虹蜺。吾子若當此之時，能從我而友之乎？立微子曰：予亮願焉。然方於大道，有累如何？

鏡機子曰：世有聖宰，翼帝霸世，同量乾坤，等曜日月，立化參神，與靈合契，惠澤播於黎苗，威靈振乎無外，超隆平於殷周，踵羲皇而齊泰，顯朝惟清，王道遐均，民望如草，我澤如春，河濱無洗耳之士，喬嶽無巢居之民，是以俊乂來仕，觀國



之光舉不遺材進各異方讚典禮於辟雍講文  
德於明堂正流俗之華說綜孔氏之舊章散樂  
移風國富民康神應休臻屢獲嘉祥故甘露紛  
而晨降景星宵而舒光觀遊龍於神淵聆鳴鳳  
於高岡此霸道之至隆而雍熙之盛際然主上  
猶尚以沈恩之未廣懼聲教之未厲采英奇於  
仄陋宣皇明於巖穴此甯子商歌之秋而呂望  
所以接綸而逝也吾子爲太和之民不欲仕陶  
唐之世乎於是玄微子攘袂而興曰偉哉言乎



近者吾子所述華淫欲以厲我祇攬予心至聞  
天下穆清明君莅國覽盈虛之正義知頑素之  
迷惑令予廓爾身輕若飛願反初服從子而歸  
素冰象玉難可磨蕩結土成龍遭雨則傷

七畧

續典禮於辟雍講文德于明堂刪流俗之華談  
綜孔氏之舊章







論

魏德論

元氣否塞，立黃噴薄，辰星亂逆，陰陽舛錯，四海  
鼎沸，蕭條沙漠，武皇之興也，以道陵殘，義氣風  
發，神戈退指，則妖氛順制，靈旗一舉，則朝陽播  
越，惟我聖后，神武蓋天，威光佐掃，辰彗北蠻，首  
尾爭擊，氣齊率然，乃電北席卷千里，隱乎若崩  
嶽，盱乎若潰海，愠彼蠻夏，蠢爾弗恭，脂我蕭斧  
簡武練鋒，星陳而天運，振耀乎南封，荆人風靡



交益影從，軍蘊餘勢，襲利乘權，蕩鬼區於白水，  
擒矯制乎遐川，仰屬目於條支，晞弱水之潺湲，  
薄張騫於大夏，笑驃騎於祁連，其化之也如神，  
其養之也如春，柔遠能邇，誰敢不賓，憲度增飾，  
日曜月光，跡存乎建安，道隆乎延康，於是漢氏  
歸義，顧音孔昭，顯禪天位，希唐效堯，上猶謙謙，  
弗納也，發不世之明詔，薄皇居而弗泰，蹈北人  
之清節，美石戶之高介，義貫金石，神明已興，神  
祇致祥，乾靈効祐，於是羣公卿士，功臣列辟，率



爾而進曰昔文王三分居二以服事殷非能之  
而弗欲蓋欲之而弗能况天網弗禁皇綱圯紐  
侯民非復漢萌尺土非復漢有故武皇創迹於  
前陛下光美於後蓋所謂勲成於彼位定於此  
者也將使斯民播秬鬯植靈芝鋤岐穗挹醴滋  
遂乃凱風回燄甘露匝時農夫詠於田隴織婦  
欣而綜絲黃吻之齒含哺而怡鮐背之老擊壤  
而嬉古雖稱乎赫胥曷若斯之大治乎於時上  
富於春秋聖德汪濊竒志妙思神鑒靈察方將



審御陰陽，爭耀日月，極禎祥於遐奧，飛仁風以樹惠，旣遊精於萬機，探幽洞深，復逍遙乎六藝，兼覽儒林，抗思乎文藻之塲圃，容與乎道術之疆畔，超天路而高峙，階清雲以妙觀，將參跡於三皇，豈徒論功於大漢，天地位矣，九域清矣，皇化四達，帝猷成矣，明哉元首，股肱貞矣，禮樂旣作，興頌聲矣，固封泰山，禪梁甫，厯名山以祈福，周五方之靈宇，越八九於往素，踵帝王之靈矩，流餘祚於黎烝，鍾元吉乎聖主。



漢二祖優劣論

有客問予曰。夫漢二帝高祖光武。俱爲授命撥亂之君。比時事之難易。論其人之優劣。孰者爲先。予應之曰。昔漢之初興。高祖因暴秦而起。遂誅強楚。光有天下。功齊湯武。業流後嗣。誠帝王之元勲。人君之盛事也。然而名不繼德。行不純道。身沒之後。崩亡之際。果令凶婦肆醜酷之心。嬖妾被人豕之刑。亡趙幽囚。禍殃骨肉。諸呂專權。社稷幾移。凡此諸事。豈非高祖寡計淺慮。以



致然彼之雄材大畧。儼儼之節。信當世至豪健壯傑士也。又其梟將畫臣。皆古今之鮮有。厯世之希覩。彼能任其才而用之。聽其言而察之。故兼天下。有帝位。流巨勲而遺元功也。世祖體乾靈之休德。稟貞和之純精。通黃中之妙理。韜亞聖之懿才。其爲德也。通達而多識。仁智而明恕。重慎而周密。樂施而愛人。值陽九無妄之世。遭炎光厄會之運。殷爾雷發。赫然神舉。用武畧以攘暴。興義兵以掃殘。神光前驅。威風先逝。軍未



出於南京。莽已斃於西都。夫其蕩滌凶穢、勦除醜類、若順迅風而縱烈火、曬白日而掃朝雲也。爾乃廟勝而後動衆、計定而後行師、故攻無不陷之壘、戰無犇北之卒。是以羣下欣欣、歸心聖德、宣仁以和衆、邁德以來遠。故竇融聞聲而影附、馬援一見而歎息、股肱有濟濟之美、元首有穆穆之容、敦睦九族、有唐虞之稱、高尚純樸、有義皇之素、謙虛納下、有吐握之勞、畱心庶事、有日昃之勤、乃規弘跡而造皇極、創帝道而立德。



致然彼之雄材大畧。微儻之節。信當世至豪健  
壯傑士也。又其臬將畫臣。皆古今之鮮有。厯世  
之希覩。彼能任其才而用之。聽其言而察之。故  
兼天下。有帝位。流巨勲而遺元功也。世祖體乾  
靈之休德。稟貞和之純精。通黃中之妙理。韜亞  
聖之懿才。其爲德也。通達而多識。仁智而明恕。  
重慎而周密。樂施而愛人。值陽九無妄之世。遭  
炎光厄會之運。殷爾雷發。赫然神舉。用武畧以  
攘暴。興義兵以掃殘。神光前驅。威風先逝。軍未



出於南京。莽已斃於西都。夫其蕩滌凶穢、勦除醜類、若順迅風而縱烈火、曬白日而掃朝雲也。爾乃廟勝而後動衆、計定而後行師、故攻無不陷之壘、戰無犇北之卒。是以羣下欣欣、歸心聖德、宣仁以和衆、邁德以來遠。故竇融聞聲而影附、馬援一見而歎息、股肱有濟濟之美、元首有穆穆之容。敦睦九族、有唐虞之稱、高尚純樸、有義皇之素、謙虛納下、有吐握之勞、畱心庶事、有日昃之勤、乃規弘跡而造皇極、創帝道而立德。



基是以計功則業殊、比隆則事異、旌德則靡愆、言行則無穢、量力則勢微、論輔則力劣、卒能握乾坤之休徵、應五百之顯期、立不刊之遐迹、建不朽之元功、金石播其休烈、詩書載其勲懿、故曰光武其優也。

成王漢昭論

周公以天下初定。武王旣終。而成王尚幼。未能足南面之事。是以推以忠誠。稱制假號。二弟流言。召公疑之。發金縢之匱。然後用寤。亦未決也。



至於昭帝所以不疑於霍光。亦緣武帝有遺詔於光。使光若周公踐天子之位。行周公之事。吾恐叛者非徒二弟。疑者非徒召公也。且賢者固不能知聖賢自其宜耳。昭帝固可不疑霍光。成王自疑周公也。若以昭帝勝成王。霍光當踰周公邪。若以堯舜爲成王。湯禹作管蔡。邵公周公之不見疑。必也。

相論

世固有人身瘠而志立。體小而名高者。於聖則



否、是以堯眉八彩、舜目重瞳、禹耳參漏、文王四乳、然則世亦有四乳者、此則駑馬一毛似驥耳、宋臣有公孫呂者、長七尺、面長三尺、廣三寸、若此之狀、蓋遠代而求、非一世之異也、使形殊於外、道合其中、名震天下、不亦宜乎、語云、無憂而戚、憂必及之、無慶而歡樂、樂必隨之、此心有先動、而神有先知、則色有先見也、故扁鵲見桓公、知其將亡、申叔見巫臣、知其竊妻而逃也、



世有方士。吾王悉所招致。甘陵有甘始。廬江有左慈。陽城有郤儉。始能行氣導引。慈曉房中之術。儉善辟穀。悉號三百歲。卒所以集之於魏國者。誠恐斯人之徒。接姦宄以欺衆。行妖慝以惑民。豈復欲觀神仙於瀛洲。求安期於海島。釋金輅而履雲輿。棄六驥而美飛龍哉。自家王與太子及余兄弟。咸以爲調笑。不信之矣。然始等知上遇之有恒。奉不過於負吏。賞不加於無功。海島難得而遊。六轂難得而佩。終不敢進虛誕之



言。出非常之語。余嘗試卻儉絕穀百日。躬與之  
寢處。行步起居自若也。夫人不食七日則死。而  
儉乃如是。然不必益壽。可以療疾。而不憚饑饉  
焉。左慈善修房內之術。差可終命。然自非有志  
至精。莫能行也。甘始者老而有少容。自諸術士。  
咸共歸之。然始辭繁寡實。頗有怪言。余常辟左  
右。獨與之談。問其所行。溫顏以誘之。笑辭以導  
之。始語余。吾本師姓韓。字世雄。嘗與師於南海  
作金。前後數四。投數萬斤金於海。又言諸梁時



西域胡來獻香罽腰帶。割玉刀。時悔不取也。又言車師之西國兒生。擘背出脾。欲其食少而努行也。又言取鯉魚五寸一雙。令其一煮藥。俱投沸膏中。有藥者奮尾鼓鰓。游行沉浮。有若處淵。其一者已熟而可噉。余時問言。率可試。不言是藥去此逾萬里。當出塞。始不自行。不能得也。言不盡於此。頗難悉載。故粗舉其巨怪者。始若遭秦始皇漢武帝。則復爲徐市、欒大之徒也。夫帝者位殊萬國。富有天下。威尊彰明。齊光日月。宮



殿闕庭等曜紫微、何顧乎王母之宮、崑崙之域  
哉、夫三鳥備役、不如百官之美也、素女姮娥、不  
若椒房之麗也、雲衣羽裳、不若黼黻之飾也、駕  
螭載霓、不若乘輿之盛也、瓊藥玉華、不若玉圭  
之潔也、而顧爲匹夫所罔、納虛妄之辭、信眩惑  
之說、隆禮以招弗臣、傾產以供虛求、散王爵以  
榮之、清閒館以居之、經年累稔、終無一驗、雖復  
誅其身、滅其族、紛然足爲天下笑矣、若夫玄黃  
所以娛目、鏗鏘所以樂耳、媛妃所以紹先、萬



所以說口也何必甘無味之味聽無聲之樂觀  
無采之色乎

又辯道論

此篇出廣弘明集只數語與魏志及舊集畧同餘文俱不載今

另存之

夫神仙之書道家之言乃云傳說上爲辰尾宿  
歲星降爲東方朔淮南王安誅於淮南而謂之  
獲道輕舉鉤弋死於雲陽而謂之屍逝極空其  
爲虛妄甚矣哉中興篤論之士有桓君山者其  
所著述多善劉子駿嘗問人言誠能抑嗜欲闔



耳目可不衰竭乎。時庭中有一老榆。君山指而謂曰。此樹無情。欲可忍。無耳目可聞。然猶枯槁腐朽。而子駿乃言可不衰竭。非談也。君山援榆喻之。未是也。何者。余前爲王莽典樂大夫。樂記云。文帝得魏文侯樂人竇公。年百八十。兩目盲。帝竒而問之。何所施行。對曰。臣年十三而失明。父母哀其不及事。教臣鼓琴。臣又能導引。不知壽得何力。君山論之曰。頗得少盲。專一內視。情不外鑒之助也。先難子駿以內視無益。退論竇



公便以不鑒證之。吾未見其定論也。君山又曰：方山有董仲君者，繫獄佯死數日，目陷蟲出，死而復生，然後竟死。生之必死，君子所達。夫何喻乎。夫至神不過天地，不能使蟄蟲夏潛，震雷冬發。時變則物動，氣移而事應。彼仲君者，乃能藏其氣，屍其體，爛其膚，出其蟲，無乃大怪乎。世有方士，吾王悉所招致。甘陵有甘始，廬江有左慈，陽城有邰儉，始能行氣導引，慈曉房中之術，儉善辟穀，悉號三百歲。本所以集之於魏國者，誠



恐斯人之徒接姦詭以欺衆行妖慝以惑人故  
聚而禁之。甘始者老而有少容自餘術士咸其  
歸之。然始詞繁寡寔頗竊有怪言。若遭秦始皇  
漢武帝則復徐福藥大之徒矣。桀紂殊世而齊  
惡姦人異代而等僞。乃如此邪。又世虛然有仙  
人之說。仙人者儻獯貳之屬。與世人得道化爲  
仙人乎。夫雉入海爲蜃。燕入海爲蛤。當夫徘徊  
其翼。差池其羽。猶自識也。忽然自投。神化體變。  
乃更與黿鼉爲羣。豈復自識翔林薄。巢垣屋之



娛乎。而顧爲匹夫所調。納虛妄之詞。信眩惑之說。隆禮以招弗臣。傾產以供虛求。散王爵以榮之。清閑館以居之。經年累稔。終無一效。或歿於沙丘。或崩乎五柞。臨時雖誅其身。滅其族。紛然足爲天下笑矣。然壽命長短。骨體強劣。各有人焉。善養者。終之勞。擾者。半之虛。用者。歿之。其斯之謂歟。

奇健超忽十倍前文

令禽惡鳥論



國人有以伯勞生獻者王召見之侍臣曰世人同惡伯勞之鳴敢問何謂也王曰昔尹吉甫用後妻之說殺孝子伯奇吉甫後悟追傷伯奇出遊於田見鳥鳴於桑見其聲噉然吉甫動心曰伯勞乎乃撫翼其音尤切吉甫乃顧謂曰伯勞乎是吾子棲吾輿非吾子飛勿居鳥尋聲而棲於蓋吉甫遂射殺後妻以謝之故俗惡伯勞之鳴言所鳴之家必有尸也此好事者附會爲之說而今普傳惡之斯實否也伯勞以五月而鳴。



應陰氣之動。陰爲賊害。蓋賊害之鳥也。其聲鵩  
鵩然。故俗憎之。若其爲人災害。愚民之所信。通  
人之所畧也。鳥鳴之惡。自取憎。人言之惡。自取  
滅。不有能累於當世也。而凶人之行。弗可易。梟  
鳥之鳴。不可更者。天注然也。昔荆人之梟將巢  
於吳。鳩遇之曰。何去。判而巢吳乎。梟曰。荆人惡  
予之聲。鳩曰。子不能革子之音。則吳楚之民不  
異情也。爲子計者。莫若宛頸戢翼。終身勿復鳴  
也。昔會朝議者。有人問曰。宜有聞梟食其母乎。



有答之者曰嘗聞烏反哺未聞梟食母也問者  
慙唱不善也得螭者莫不馴而放之爲利人也  
得蚤者莫不糜之齒牙爲害身也鳥獸昆蟲猶  
以名聲見異况夫吉士之與凶人乎

仁孝論

且禽獸悉知愛其母知其孝也唯白虎通騏驎  
稱仁獸者以其明盛衰知治亂也孝者施近仁  
者及遠

輔臣論



蓋精微聽察。理析毫分。規矩可則。阿保不傾。群  
言系于口。而研擿是非。典謨總乎心。而唯所用  
之者。鍾太傅也。

清素寡欲。明敏特達。志存太虛。安心立妙。處平  
則以和養德。遭變則以斷蹈義。華太尉歆之謂  
也。

文武並亮。權智時發。奢不過制。儉不損禮。入毗  
皇家。帝之股肱。出則侯伯。實撫東夏者。曹大司  
馬也。



辨博通幽。見傳異慶。德實充塞于內。知謀縱橫于外。解疑釋滯。剖散盤錯。王司徒也。

至德純粹。進吐善謀者。陳司空也。

智慮深奧。淵然難測。執節平敵。中表條暢。恭以奉上。愛以接下。納言左右。爲帝喉舌。曹大將軍也。

魁傑雄特。秉心平直。威嚴足憚。風行草靡。我昭果毅。折衝厭難者。司馬驃騎也。

# 征蜀論



今將以謀謨爲劒戟以策畧爲旌旗

又云下畧成雷榛殘

碎木

### 魏德論畧

孟春之旦。從太陽方貴。放鳥雀者。加其祿也。得者莫不馴而放之。爲利人也。得蚤者莫不靡之。齒牙爲害身也。







說

籍田說

昔者神農氏始嘗萬草。敎民種植。今寡人之興此田。將欲以擬乎治國。非徒娛耳目而已也。夫營疇萬畝。厥田上下。經以大陌。帶以橫阡。此亦寡人之封疆也。曰殄沒而歸館。晨未昕而卽野。此亦寡人之先下也。菽藿特疇。禾黍異田。此亦寡人之政理也。及其息沸涌。庇重陰。懷有虞。撫素琴。此寡人之所習樂也。蘭蕙荃蘅。植之近疇。



此亦寡人之所親賢也。蔡蓬臭蔚棄之乎遠疆。此亦寡人之所遠佞也。若年豐歲登。果茂菜滋。則臣僕小人咸取驗焉。

又

封人有能以輕鑿修鉤。去樹之蝎者。樹得以繁茂。中舍人曰。不識治天下者亦有蝎乎。寡人告之曰。昔三苗共工。鯀驩兜。非堯之蝎與。問曰。諸侯之國亦有蝎乎。寡人告之曰。齊之諸田。晉之六卿。魯之三桓。非諸侯之蝎與。然三國無輕鑿。



修鈞之任，終於齊篡魯弱。晉國以分，不亦痛乎？  
曰：不識爲君子者，亦有蝎乎？寡人告之曰：固有  
之也。富而慢，貴而驕，殘仁賊義，甘財悅色，亦君  
子之蝎乎？天子勤耘以收一國，大夫勤耘以收  
世祿，君子勤耘以顯令德。夫農者始於種，終於  
穫，澤旣時矣，苗旣美矣，棄而不耘，則故爲荒疇。  
蓋豐年者期於必收，譬修道亦期於沒身也。

髑髏說

曹子遊乎陂塘之濱，步乎萋穢之藪，蕭條潛虛，



經幽踐阻，顧見髑髏，塊然獨居。於是伏軾而問之曰：子將結纓首劍，殉國君乎？將被堅執銳，鏖三軍乎？將嬰茲固疾，命隕傾乎？將壽終數極，歸幽冥乎？叩遺骸而歎息，哀白骨之無靈。慕嚴周之適楚，儻託夢以通情。於是倅若有來，恍若有存。影見容隱，厲聲而言曰：子何國之君子乎？旣枉輿駕，愍其枯朽，不惜咳唾之音，慰以若言。子則辯於辭矣，然未達幽冥之情，死生之說也。夫死之爲言歸也，歸也者，歸於道也。道也者，身以



無形爲主，故能與化推移。陰陽不能更，四時不能虧。是故洞於纖微之域，通於恍惚之庭。望之不見其象，聽之不聞其聲。挹之不充，注之不盈。吹之不凋，噓之不榮。激之不流，凝之不停。寥落冥漠，與道相拘。偃然長寢，樂莫是踰。曹子曰：「子將請之上帝，求諸神靈，使司命輟籍，反子骸形。」於是髑髏長呻，廓然歎曰：「甚矣何子之難語也！太素氏不仁，勞我以形，苦我以生。今也幸變而之死，是反吾真也。何子之好勞，而我之好逸。子



則行矣。子將歸於太虛。於是言卒響絕。神光霧除。顧將旋軫。乃命僕夫。拂以玄塵。覆以縞巾。爰將藏彼路濱。覆以丹土。翳以綠榛。夫存亡之異世。乃宣尼之所陳。何神憑之虛對。云死生之必均。

畫說

觀畫者。見三皇五帝。莫不仰戴。見三季暴主。莫不悲宛。見篡臣賊嗣。莫不切齒。見高節妙士。莫不忘食。見忠節死難。莫不抗首。見忠臣孝子。莫



不歎息。見淫夫妬婦。莫不側目。見令妃順后。莫不嘉貴。是知存乎鑒者何如也。

### 說疫氣

建安二十二年。癘氣流行。家家有僵尸之痛。室室有號泣之哀。或闔門而殪。或覆族而喪。或以爲疫者。鬼神口作。夫懼此者。悉被褐茹藿之子。荆室蓬戶之人耳。若夫殿處鼎食之家。重貂累蓐之門。若是者。鮮焉。此乃陰陽失位。寒暑錯時。是故生疫。而愚民懸符厭之。亦可笑也。



又

鹹水之魚。不遊于江。淡水之魚。不入于海。



謳

魏德論謳

甘露

玄德洞幽飛化上承甘露以降密涓冰凝觀陽  
弗晞瓊爵是承獻之帝朝以明賈徵

連理木

皇樹嘉德風靡雲披有木連理別幹同枝將承  
大、同、應、天、之、規、

穀



於穆聖皇仁暢惠渥辭獻減膳以服鰥獨和氣  
致祥時雨洒沃野草萌芽變化喜穀

禾

猗猗喜禾惟穀之精其洪盈箱協穗殊莖昔生  
周朝今植魏庭獻之朝堂以昭祖靈

鵲

鵲之疆疆詩人取喻今存聖世呈質見素饑食  
茗華渴飲清露異於儔匹衆鳥是驚

鳩



班班者鳩爰素其質昔翔殷邦今爲魏出朱目  
丹趾靈姿詭類載飛載鳴彰我皇懿



阿思王集

卷之一

全



碑

制命宗聖侯孔羨奉家祀碑

維黃初元年，大魏受命，亂軒轅之高蹤，紹虞氏之遐統，應厯數以改物，揚仁風以作教。於是輯五瑞，班宗彝，鈞衡石，同度量，秩羣祀於無文，順天時以布化。既乃緝熙聖緒，紹顯上世，追存三代之禮，兼紹宣尼之後，以魯縣百戶，命孔子二十一世孫議郎孔羨爲宗聖侯，以奉孔子之祀。制詔三公曰：昔仲尼負大聖之才，懷帝王之器，



當衰周之末，而無受命之運，在魯衛之朝，教化  
洙泗之上，栖栖焉，皇皇焉，欲屈已以存道，貶身  
以救世，於是王公終莫能用之，乃退考五代之  
禮，修素王之事，因魯史而制春秋，就太史而正  
雅頌，俾千載之後，莫不宗其文以述作，仰其聖  
以謀咨，可謂命世大聖，億載之師表者也。遭天  
下大亂，百祀墮壞，舊居之廟毀而不修，褒成之  
後，絕而莫繼，闕里不聞講誦之聲，四時不睹蒸  
嘗之位，斯豈所謂崇禮報功，盛德必百世祀者



哉噓乎、朕甚憫焉、其以議郎孔羨爲宗聖侯、邑  
百戶、奉孔子之祀、令魯郡修起舊廟、置百戶卒  
吏以守衛之、又於其外廣爲屋宇、以居學者、於  
是魯之父老諸生遊士、睹廟堂之始復、觀俎豆  
之初設、嘉聖靈於髣髴、想禎祥之來集、乃慨然  
而歎曰、大道衰廢、禮樂絕滅、三十餘年、皇上懷  
仁聖之懿德、兼二儀之化育、廣大包於無方、淵  
深淪於不測、故自受命以來、天人咸和、神氣氤  
氲、嘉瑞踵武、休徵屢臻、殊俗解編髮而慕義、遐



夷越險阻而來賓，雖太皞遊龍以君世，虞氏儀鳳以臨民，伯禹命立宮而爲夏后，西伯由岐社而爲周文，尚何足稱於大魏哉？若乃紹繼微絕，興修廢官，疇咨稽古，崇配乾坤，况神明之所福，作宇宙之所觀，欣欣之色，豈徒魯邦而已哉？爾乃感殷人路寢之義，嘉先民泮宮之事，以爲高宗僖公，蓋嗣世之王，諸侯之國耳。猶著德於三頌，騰聲於千載，况今聖皇肇造區夏，創業垂統，受命之日，曾未下輿，而褒美大聖，隆化如此，能



無頌乎、乃作頌曰、

煌煌大魏、受命溥將、繼體黃唐、包夏含商、降釐  
下土、廓清三光、羣祀咸秩、靡事不綱、嘉彼立聖、  
有赫其靈、遭世霧亂、莫顯其榮、褒成既絕、寢廟  
斯傾、闕里蕭條、靡韶靡馨、我皇悼之、尋其世武、  
乃建宗聖、以紹厥後、修復舊堂、豐其薨宇、莘莘  
學徒、爰居爰處、王教既新、羣小遄沮、魯道以興、  
永作憲矩、洪聲豈遐、神祇來和、休徵雜遘、瑞我  
邦家、內光區域、外被荒遐、殊方慕義、搏拊揚歌、



於赫四聖、運世應期、仲尼既沒、文亦在茲、彬彬  
我后、越而五之、垂於億載、如山之基、



頌

皇子生頌

於我聖后、憲章前志、克纂二皇、三靈昭事、祇肅  
郊廟、明德敬惠、陽和積吉、鍾天之釐、嘉月令辰、  
篤生聖嗣、慶由一人、萬國作喜、喁喁萬國、岌岌  
羣生、稟命我后、綏之則榮、長爲臣妾、終天之經、  
仁聖奕代、永載明明、同年上帝、休祥淑禎、藩臣  
作頌、光流德聲、吁嗟卿士、祇承予聽、

承露盤頌

有序一作銘



皇帝鑄承露盤、莖長十二丈、大十圍、上盤逕四尺、下盤逕五尺、銅龍造其根、龍身長一丈、背負兩子、自立於芳林園、甘露乃降、使臣爲頌、頌曰、  
岌岌承露、峻極太清、神若礪硯、洪基嶽停、下潛醴泉、上受雲英、和氣四充、翔風所經、匪我明后、孰能經營、近歷纏度、三光朗明、殊俗歸義、祥瑞混并、鸞鳳晨棲、甘露宵零、神物攸協、高而不傾、奉天戴巍、恭統神器、固若露盤、長存永貴、賢聖繼跡、奕世明德、不忝先功、保茲皇極、垂作億兆、



永荷天秩

孔廟頌

有序

自五帝典絕三皇禮廢，應期命世，齊賢等聖者，莫高於孔子也。故有若曰：出乎類，拔乎萃，誠所謂性與天道，不可得而聞矣。

由也務學，名在前志；宰予晝寢，糞土作誠。過庭子弟，詩禮明記；歌以詠言，文以騁志。予今不述，后賢曷識？於鑠尼父，生民之傑。性與天成，該聖備藝，德倫三五。配皇作烈，立鏡獨鑑。神明昭晰，



仁塞宇宙，志凌雲霓，學者三千，莫不俊乂，唯仁  
是憑，唯道足恃，鑽仰彌高，請益不已。

舊集摘宗  
聖侯碑頌

中數語作孔子頌，更名  
此篇爲學官頌，今正之。

### 社頌有序

余前封鄆城侯，轉雍丘，皆欲爲上宅宇，初造，以  
府庫尚豐，志在善公，夫務完圃而已。農桑一無  
所營，經離十載，瑰然守空，饑寒備嘗，聖朝愍之，  
故封此縣田，則一州之膏腴，桑則天下之甲第，  
故封此桑，以爲田社，乃作頌云。



於惟太社官名后土是曰勾龍功著上古德配  
帝王實爲靈主克明播植農正日舉尊以作稷  
豐年是與義與社同方神北宇建國承家莫不  
攸叙

湯妃頌

殷湯令妃有莘之女仁教內修度儀以處清謐  
后宮九嬪有序伊爲媵臣遂作元輔

姜后頌

於鑠姜后光配周宣非禮不動非禮不言晏起



失朝，永巷告愆，王用勤政，萬國以虔。

立俗頌

立俗妙識，饑餌神頴，在陰倏逝，卽陽無景，逍遙北嶽，凌霄引領，揮霧昊天，含神自靜。

冬至獻襪頌

玉趾旣御，履和蹈貞，行與祿邁，動以祥并，南闕北戶，西巡王城，翱翔萬域，聖體浮輕。

宜男花頌

草號宜男，旣晔且貞，其貞伊何，惟乾之嘉，其晔



伊何綠葉丹花，光采晃曜，配彼朝日。君子耽樂，  
好和琴瑟，固作螽斯。惟立孔臧，福濟太姒，永世  
克昌。



陶思王集

卷之一

九



贊

畫贊

蓋畫者。烏書之流。昔明德馬后。美於色。厚於德。帝用嘉之。嘗從觀畫。過虞舜廟。見娥皇女英。帝指之。戲后曰。恨不得如此爲妃。又前見陶唐之像。后指堯曰。嗟乎。群臣百寮。恨不得爲君如是。帝顧而笑。故夫畫所見多矣。

庖犧贊

木德風姓。八卦創焉。龍瑞名官。法地象天。庖厨



祭祀，網罟魚畋，瑟以像時，神德通立。

女媧贊

古之國君，造篁作笙，人物未就，軒轅纂成，或云二皇人首蛇形，神化七十，何德之靈。

神農贊

少典之胤，火德成木，造爲耒耜，遵民播穀，正爲雅琴，以暢風俗。

黃帝贊

少典之孫，神明聖哲，土德承火，赤帝是滅，服牛



乘馬衣裳是制氏雲名官功冠五帝

黃帝三鼎贊

鼎質之精古之神噐黃帝是鑄以像太乙能輕能重知凶識吉世衰則隱世和則出。

少昊贊

祖自軒轅青陽之裔金德承土儀鳳帝世官鳥號名殊職別系農正扈氏各有品制

顓頊贊

昌意之子祖自軒轅始誅九黎水德統天以國



陽明王集 卷之一 三  
爲號風化神宜威暢八極靡不祇虔

帝嚳贊

祖自軒轅立囂之裔生言其名木德帝世撫寧  
天地神聖靈察教弭四海明並日月

帝堯贊

火德統位父則高辛克平其工萬國同塵調適  
陰陽其惠如春巍巍成功配天則神

帝舜贊

顓頊之族重瞳神聖克協頑瞽應唐涖政除凶



舉俊以齊七政應厯受禪顯天之命

夏禹贊

吁嗟天子拯世濟民克卑宮室致孝鬼神蔬食  
薄服黻冕乃新厥德不回其誠可親疊疊其德  
溫溫其仁尼稱無間何德之純

禹治水贊

嗟夫夏禹實勞水功西鑿龍門疏河道江梁岐  
旣闢九州以同天錫玄圭奄有萬邦

禹渡河贊



禹濟於河，黃龍負船，舟人並懼，禹歎仰天，予授大運，勤功恤民，死亡命也，龍乃弭身。

殷湯贊

殷湯伐夏，諸侯振仰，放桀鳴條，南面以王，桑林之禱，災災克償，伊尹佐治，可謂賢相。

湯禱桑林贊

惟殷之世，災旱七年，湯禱桑林，祈福於天，翦髮離爪，自以爲牲，皇靈感應，時雨以零。

周文王贊



於赫聖德，惟文王三分有二，猶服事商，化加  
虞芮，傍開四方，王業克昭，武嗣遂光。

周文王赤雀贊

西伯積德，天命攸顧，赤雀銜書，爰集昌戶，瑞爲  
天使，和氣所致，嗟爾後王，昌期而至。

周武王贊

桓桓武王，繼世滅殷，咸任尚父，且作商臣，功冒  
四海，救世濟民，天下宗周，萬國是賓。

周公贊



成王卽位，年尚幼稚，周公居攝，四海慕利，罰叛  
柔服，祥應仍至，誦長反政，達天忠義。

周成王贊

成王繼武，聖賢保傳，年雖幼稚，岐嶷有素，初疑  
周公，終焉克寤，旦奭佐治，遂致刑錯。

漢高帝贊

屯雲斬蛇，靈母告祥，朱旗旣抗，九野披攘，禽嬰  
克羽，掃滅英雄，承機帝世，功著武湯。

漢文帝贊



孝文卽位，愛物儉身，驕吳撫越，匈奴和親，納諫赦罪，以德讓民，殆至刑錯，萬國化淳。

漢景帝贊

景帝明德，繼文之則，肅清王室，克滅七國，省役薄賦，百姓殷昌，風移俗易，齊美成康。

漢武帝贊

世宗光光，文武是攘，威振百蠻，恢拓土疆，簡定律歷，辯修舊章，封天禪土，功越百王。

姜嫄簡狄贊



暑有四妃子，皆爲王。帝摯且崩，堯承天綱。玄鳥大跡，殷周美祥。稷契旣生，翊化虞唐。

禹妻贊

禹娶塗山，土功是急。聞啓之生，過門不入。女嬌達義，明勲是執。成長聖嗣，天祿以襲。

班婕妤贊

有德有言，實惟班婕。盈冲其驕，窮其厭悅。在貞。艱在晉。正接臨飈，端榦衝霜。振葉。

吹雲贊



天地變化。是生神物。吹雲吐潤。浮氣蓊鬱。

巢父贊

堯禪許由。巢父是耻。穢其溷聽。臨河洗耳。池王  
是讓。以水爲濁。嗟此三士。清足厲俗。

務光贊

湯將伐桀。謀於卞子。旣聞讓位。隨以爲耻。薄於  
殷世。著自汙已。自投潁水。清風邈矣。

商山四皓贊

嗟爾四皓。避秦隱形。劉項之爭。養志弗營。不應



朝聘保節全貞。應命太子。漢嗣以宣。

長樂觀畫贊

妙哉平生。才巧若神。辭賦之作。華若望春。

古冶子等贊

齊姜接子。勇節殉名。虎門之博。忽晏置釁。矜而日伐。輕死重分。



銘

寶刀銘

造茲寶刀、旣礪旣礪、匪以尚武、予身是衛、鱗角  
是觸、鸞距匪蹶。

承露盤銘

并序

明帝鑄承露盤、莖長十二丈、大十圍、上盤逕四  
尺、下盤逕五尺、銅龍遶其根、龍身長一丈、背負  
兩子、自立於芳林園、甘露乃降、使臣爲銘、銘曰  
岌岌承露、峻極太清、神若礪礪、洪基嶽、停下潛



醴泉上受雲英和氣四充，翔風所經，匪我明君。  
孰能經營，近厯纏度，三光朗明，殊俗歸義，祥瑞  
混并，鸞鳳晨棲，甘露宵零，神物攸協，高而不傾。  
奉天戴巍，恭統神器，固若露盤，長存永貴，賢聖  
繼跡，奕世明德，不忝先功，保茲皇極，垂作億兆，  
永荷天秩。



文

誥咎文

有序

五行致災，先史咸以爲應政而作，天地之氣，自有變動，未必政治之所興致也。於時大風發屋拔木，意有感焉。聊假天帝之命，以誥咎祈福。辭曰：

上帝有命，風伯雨師，夫風以動氣，雨以潤時。陰陽協和，氣物以滋。亢陽害苗，暴風傷條。伊周是遇，在湯斯遭。桑林旣禱，慶雲克舉。偃禾之後，姬



公去楚，況我皇德，承天統民，禮敬川嶽，祈肅百  
神，享茲元吉，釐福日新。至若炎旱赫羲，颶風扇  
發，嘉卉以委，良木以拔，何谷宜填，何山應伐，何  
靈宜論，何神宜謁。於是五靈振悚，皇祇赫怒，招  
搖驚怯，撓捨奮斧。河伯典澤，屏翳司風，迴呵飛  
廉，顧叱豐隆，息颶遏暴，元勅華嵩。慶雲是興，效  
厥豐年，遂乃沈陰，塊北甘澤，微微雨我公田。爰  
暨於私，黍稷盈疇，芳草依依，靈禾重穗，生彼邦  
畿。年登歲豐，民無餒饑。



釋愁文

予以愁慘行吟路邊形容枯悴憂心如醉有玄  
靈先生見而問之曰子將何疾以至於斯答曰  
吾所病者愁也先生曰愁是何物而能病子乎  
答曰愁之爲物惟恍惟惚不召自來推之弗往  
尋之不知其際握之不盈一掌寂寂長夜或羣  
或黨去來無方亂我精爽其來也難退其去也  
易追臨餐困於哽咽煩冤毒於酸嘶加之以粉  
飾不澤飲之以兼肴不肥溫之以金石不消麾



之以神膏不希，授之以巧笑不悅，樂之以絲竹，增悲，醫和絕思而無措，先生豈能爲我著龜乎？先生作色而言曰：子徒辯子之愁形，未知子愁所由而生。我獨爲子言其發矣。方今大道旣隱，子生末季，沉溺流俗，眩惑名位，濯纓彈冠，訟趣榮貴，坐不安席，食不終味，遑遑汲汲，或懣或忤，所鬻者名，所拘者利，良由華薄凋損，正氣吾將贈子以無爲之藥，給子以淡薄之湯，刺子以玄虛之針，灸子以淳朴之方，安子以恢廓之宇，坐



子以寂寞之床、使王喬與子遨遊而逝、黃公與子詠歌而行、莊子與子具養神之撰、老聃與子致愛性之方、趣避路以棲跡、乘輕雲以翱翔、於是精駭魂散、改心回趣、願納至言、仰崇玄旨、衆愁忽然不辭而去、



陳思王集

卷之一



詠

武帝詠

於惟我王、乘運之衰、神武震發、羣雄戡夷、拯民  
於下、登帝太微、德美旦奭、功越彭韋、九德光備、  
萬國作師、寢疾不興、聖體長遠、華夏飲淚、黎庶  
含悲、神翳功顯、身沈名飛、敢揚聖德、表之素旗、  
乃作詠曰

於穆我王、胄稷亂周、賢聖是紹、元懿允休、先侯  
佐漢、實維平陽、功成績著、德昭二皇、民以宣一、



與詠有章我王承統文姿特生年在志學謀過  
老成奮臂舊邦翻身上京表與我王兵交若神  
張陳背誓傲帝虐民擁徒百萬虎視朔濱我王  
赫怒戎車列陳武卒虓闕如雷如震攬槍北掃  
舉不浹辰紹遂奔北河朔是賓振旅京師帝嘉  
厥庸乃位丞相摠攝三公光受上爵君臨魏邦  
九錫昭備大路火龍玄鑑靈察探幽洞微下無  
僞情姦不容非敦儉尚古不玩珠玉以身先下  
民以純樸聖性嚴毅平修清一惟善是嘉靡疏



靡昵怒過雷霆喜踰春日萬國肅虔望風震慄  
旣摠庶政兼覽儒林窮著雅頌被之瑟琴茫茫  
四海我王康之微微漢嗣我王匡之羣傑扇動  
我王服之喁喁黎庶我王育之光有天下萬國  
作君虔奉本朝德美周文以寬克衆每征必舉  
四夷賓服功夷聖武翼帝王世神武鷹揚左鉞  
右旄威凌伊呂年踰耳順體愉志肅乾乾庶事  
氣過方叔宜並南嶽君國無窮如何不弔禍鍾  
聖躬棄離臣子背世長終兆民號咷仰懇上穹



既以約終令節不衰既卽梓宮躬御綴衣璽不  
存身唯紼是荷明器無飾陶素是嘉既次西陵  
幽閨啟路羣臣奉迎我王安厝窈窕立宗三光  
不晰幽閨一局尊靈永蟄聖上臨穴哀號靡及  
羣臣陪臨伫立以泣去此昭昭於彼冥冥永棄  
兆民下君百靈千代萬乘曷時復形

文帝誄

惟黃初七年五月七日大行皇帝崩嗚呼哀哉  
於時天震地駭崩山隕霜陽精薄景五緯錯行



百姓吁嗟、萬國悲傷、若喪考妣、恩過慕唐、擗踊  
郊塋、仰想穹蒼、僉曰何辜、早世隕喪、嗚呼哀哉、  
悲夫、大行忽焉、光滅永棄、萬民雲往、兩絕承問、  
恍惚惛懵、哽咽袖鋒、抽刃欲自僵斃、追慕三良、  
甘心同穴、感彼南風、惟以鬱滯、終於偕沒、指景  
自誓、考諸先紀、尋之哲言、生若浮寄、惟德可論、  
朝聞夕逝、孔志所存、皇雖殪歿、天祿未延、何以  
述德、表之素旃、何以詠功、宣之管絃、乃作誄曰、  
皓皓太素、兩儀始分、中和產物、肇有人倫、爰暨



三皇實秉道真降逮五帝繼以懿純三代製作踵武立勲季嗣不繼網漏於秦崩樂滅學儒坑禮焚二世而殲漢氏乃因弗求古訓嬴政是遵王綱帝典閭爾無聞末光幽昧道究運遷乾坤回厯簡聖授賢乃眷大行屬以黎元龍飛啟祚合契主立正行定紀改號革年明明赫赫受命於天風偃物化德以禮宣祥惟聖質岐嶷幼齡研幾六典學不過庭潛心無妄亢志清冥才秀藻朗如玉之瑩聽察無響瞻睹未形其剛如金



其貞如瓊、如冰之潔、如砥之平、爵功無重、戮違  
無輕、心鏡萬機、鑒照下情、思良股肱、嘉昔伊呂、  
搜揚側陋、舉湯代禹、拔才巖穴、取士蓬戶、惟德  
是、榮、弗、拘、禰、祖、宅、土、之、中、道、義、是、圖、弗、營、厥、險、  
六、合、是、虞、齊、契、其、檢、導、下、以、純、恢、拓、規、矩、克、紹  
前、人、科、條、品、制、褒、貶、以、因、乘、殷、之、輅、行、夏、之、辰、  
金、根、黃、屋、翠、葆、龍、鱗、紉、冕、崇、麗、衡、紉、維、新、尊、肅  
禮、容、矚、之、若、神、方、牧、妙、舉、欽、於、恤、民、虎、將、荷、節、  
鎮、彼、四、隣、朱、旗、所、勦、九、壤、被、震、疇、克、不、若、孰、敢



不臣縣旌海表，萬里無塵，虜備凶徹。鳥殪江岷，  
摧若涸魚。乾腊矯鱗，肅慎納貢。越裳效珍，條支  
絕域。獻款內賓。德儕先王，功侔太古。上靈降瑞，  
黃初俶祐。河龍洛龜，陵波遊下。平均應繩，神鸞  
翔舞。數莢階除，糸風扇暑。皓獸素禽，飛走郊野。  
神鐘寶鼎，形自舊土。雲英甘露，灑塗被宇。靈芝  
冒沼，朱華蔭渚。回回凱風，祁祁甘雨。稼穡豐登，  
我稷我黍。家佩惠君，戶蒙慈父。圖致太和，洽德  
全義。將登泰山，先皇作儷。鐫石紀勲，兼錄衆瑞。



方隆封禪，歸功天地，賓禮百靈，勲命視規，望祭  
四嶽，燎封奉柴，肅於南郊，宗祀上帝，三牲旣供，  
夏禘秋嘗，元侯佐祭，獻璧奉璋，鸞輿幽謁，龍旂  
太常，爰迄太廟，鐘鼓鏗鏘，頌德詠功，八佾鏘鏘，  
皇祖旣饗，烈考來享，神具醉止，降茲福祥，天地  
震蕩，大行康之，三辰暗昧，大行光之，皇紘絕維，  
大行綱之，神器莫統，大行當之，禮樂廢弛，大行  
張之，仁義陸沉，大行揚之，潛龍隱鳳，大行翔之，  
疏狄遐康，大行匡之，在位七載，元功仍舉，將永



太和絕迹三五，宜作物師，長爲神主，壽終金石。  
等笑東父，如何奄息，摧身后土，俾我粦粦，靡瞻  
靡顧，嗟嗟皇穹，胡寧忍務，嗚呼哀哉，明監吉凶，  
體達存亡，深垂典制，申之嗣皇，聖上虔奉，是順  
是將，乃創立宇，基於首陽，擬迹穀林，追堯纂唐，  
合山同陵，不樹不疆，塗車芻靈，珠玉靡藏，百神  
警侍，來賓幽堂，耕禽田獸，望魂之翔，於是侯大  
隧之致功兮，練元辰之淑禎，潛華體於梓宮兮，  
馮正殿以居靈，顧皇嗣之號咷兮，存臨者之悲



聲悼晏駕之既往兮、感容車之速征、浮飛魂於  
輕霄兮、就黃墟以藏形、背三光之昭晰兮、歸玄  
宅之冥冥、嗟一往之不返兮、痛閔閔之長局、咨  
遠臣之眇眇兮、成凶諱以怛驚、心孤絕而靡告  
兮、紛流涕而交頸、思恩榮以橫奔兮、閔闕塞之  
堯寧、顧衰經以輕舉兮、念關防之我嬰、欲高飛  
而遙憇兮、憚天網之遠經、遙投骨於山足兮、報  
恩養於下庭、慨拊心而自悼兮、懼施重而命輕、  
嗟微軀之是效兮、甘九死而忘生、幾司命之役



籍今、先黃髮而隕零、天蓋高而察卑今、冀神明  
於我聽、獨鬱伊而莫告今、追顧景而憐形、奏斯  
文以寫思今、結翰墨以敷誠、嗚呼哀哉、

卞太后誄

失表

率土噴薄、三光改度、陵頽谷踊、五行錯互、皇室  
蕭條、羽檄四布、百姓歛歔、嬰兒號慕、若喪考妣、  
天下縞素、聖者知命、殉道寶名、義之攸在、亦棄  
厥生、敢揚后德、表之旒旌、光垂罔極、以慰我情、  
乃作誄曰



我皇之生、坤靈是輔、作合於魏、亦光聖武、篤生  
文帝、紹虞之緒、龍飛紫宸、奄有九土、詳惟聖善、  
岐嶷秀出、德配姜嫄、不忝先哲、玄覽萬機、兼才  
備藝、汎納容衆、含垢藏疾、仰奉諸姑、降接儔列、  
陰處陽潛、外明內察、乃踐大位、母養萬國、溫溫  
其人、不替明德、悼彼邊氓、未遑宴息、恒勞庶事、  
兢兢翼翼、親桑蠶館、爲天下式、樊姬霸楚、書載  
其庸、武王有亂、孔歎其功、我后齊聖、克暢丹聰、  
不出房閨、心照萬邦、年踰耳順、乾乾匪倦、珠玉



不玩躬御綈練、日旰忘饑、臨樂勿讌、去奢卽儉、  
曠世作顯、慎終如始、蹈和履貞、恭事神祇、昭奉  
百靈、跼天踳地、祇畏神明、敬微慎獨、執禮幽冥、  
虔肅宗廟、蠲薦三牲、降福無疆、祝云其誠、宜享  
斯祐、蒙祉自天、何圖凶咎、不免斯年、嘗禱盡禮、  
有篤無痊、豈命有終、神食其言、遺孤在疚、承諱  
束藩、擗踊郊甸、洒淚中原、追號皇妣、棄我何遷、  
昔垂顧復、今何不然、空宮寥廓、棟宇無煙、巡省  
階塗、髣髴櫺軒、仰瞻帷幄、俯察几筵、物不毀故、



而人不存痛莫酷斯彼蒼者天遂臻魏都游魂  
舊邑大隧開塗靈魄斯戢歎息霧興揮淚雨集  
徘徊輻輳號咷弗及神光旣幽伫立以泣

任城王誄

昔二號佐文旦爽翼武於休我王魏之元輔將  
崇懿跡等號齊魯如何奄忽命不是與仁者悼  
沒兼彼殊類矧我同生能不憐悴目想官塋心  
存乎素彷彿魂神馳情陵墓凡夫愛命達者徇  
名王雖薨徂功著丹青人誰不沒德有遺聲乃



作誄曰、

幼有令德、光耀珪璋、孝殊閔氏、義達參商、溫溫其恭、爰柔克剛、心存建業、王室是匡、矯矯元戎、雷動雨徂、橫行燕代、威懾北胡、奔虜無竄、還戰高柳、王率壯士、常爲軍首、宜究長年、永保皇家、如何奄忽、景含之遐、同盟飲淚、百寮咨嗟、

大司馬曹休誄

於穆公侯、魏之宗室、明德繼踵、奕世純粹、聞弘汎愛、仁以接物、藝以爲華、體斯亮實、年沒弱冠、



志在雄英高揖名師發言有章東夏翕然稱曰  
龍光貧而無怨孔以爲難嗟我公侯屢空是安  
不耽世祿親悅爲歡好彼蓬樞甘此瓢簞味道  
忘憂踰憲超顏矯矯公侯不撓其厄呵叱三軍  
躬奮雄戟足蹴白刃手按飛鏑終弭淮南保我  
疆場

光祿大夫荀侯誄

如冰之清如玉之潔法而不威和而不  
土庶欽歆霑纓機女投杼農夫輟耕輪結轍而



不轉馬悲鳴而倚衡。

王仲宣誄

建安二十二年正月二十四日戊申、魏故侍中  
關內侯王君卒、嗚呼哀哉、皇穹神察、詰人是悼、  
如何靈祇、殲我吉士、誰謂不痛、早世卽冥、誰謂  
不傷、華繁中零、存亡分流、天遂同期、朝聞夕沒、  
先民所思、何用誄德、表之素旗、何以贈終、哀以  
送之、遂作誄曰、

猗歟侍中、遠祖彌芳、公高建業、佐武伐商、爵同



齊魯邦嗣絕亡，流裔畢萬，勲績惟光。晉獻賜封，  
於魏之疆。天開之祚，末胄稱王。厥姓斯氏，條分  
葉散。世滋芳烈，揚聲秦漢。會遭陽九，炎光中矇。  
世祖撥亂，爰建時雍。三台樹位，履道是鍾。寵爵  
之加，匪惠惟恭。自君二祖，爲光爲龍。僉曰休哉，  
宜翼漢邦。或統太尉，或掌司空。百揆惟叙，五典  
克從。天靜人和，皇教遐通。伊君顯考，奕葉佐時。  
入管機密，朝政以治。出臨朔岱，庶績咸熙。君以  
淑懿，繼此洪基。既有令德，材枝廣宣。強記洽聞，



幽讚微言，文若春華，思若涌泉，發言可詠，下筆成篇，何道不洽，何藝不閑，棊局逞巧，博奕惟賢，皇家不造，京室隕顛，宰臣專制，帝用西遷，君乃羈旅，離此阻艱，翕然鳳舉，遠竄荆蠻，身窮志達，居鄙行鮮，振冠南嶽，濯纓清川，潛處蓬室，不干勢權，我公奮鉞，耀威南楚，荆人或違，陳戎講武，君乃義發，美我師旅，高尚霸功，投身帝宇，斯言旣發，謀夫是與，是與伊何，響我明德，投戈編郤，稽顙漢北，我公寔嘉，表揚京國，金龜紫綬，以彰



勲則勲則伊何勞謙靡已憂世忘家殊畧卓峙  
乃署祭酒與君行止筭無遺策畫無失理我王  
建國百司俊乂君以顯舉秉機省闈戴蟬珥貂  
朱衣皓帶入侍帷幄出擁華蓋榮耀當世芳風  
晻藹嗟彼東夷憑江阻湖騷擾邊境勞我師徒  
光光戎輅霆駭風徂君侍華輶輝耀王塗思榮  
懷附望彼來威如何不濟運極命衰寢疾彌留  
吉往凶歸嗚呼哀哉翩翩孤嗣號慟崩摧發軫  
北魏遠迄南淮經歷山河泣涕如頽哀風興感



行雲徘徊游魚失浪歸鳥忘棲鳴呼哀哉吾與  
夫子義貫丹青好和琴瑟分過友生庶幾遐年  
攜手同征如何奄忽棄我夙零感昔宴會志各  
高厲予戲夫子金石難弊人命靡常吉凶異制  
此歡之人孰先隕越何寤夫子果乃先逝又論  
死生存亡數度子猶懷疑求之明據儻獨有靈  
游魂泰素我將假翼飄颻高舉超登景雲要子  
天路喪柩旣臻將及魏京靈輶迴軌白驥悲鳴  
虛廓無見藏影蔽形孰云仲宣不聞其聲延首



歎息雨泣交頸嗟乎夫子永安幽冥人誰不歿  
達士徇名生榮死哀亦孔之榮嗚呼哀哉

平陽懿公主誄

俯振地紀仰錯天文悲風激興霜焱雪雰凋蘭  
天蕙良幹以泯於惟懿主瑛瑤其質協策應期  
含英秀出岐嶷之姿實朗實極在生十旬察人  
識物儀同聖表聲協音律驤眉識往俛瞳知來  
求顏必笑和音則咳阿保接手侍御充傍常在  
襁褓不停幃牀專受一宮取玩聖皇何圖奄忽



羅天之殃，魂神遷移，精爽翱翔，號之不應，聽之不聆。帝用吁嗟，嗚呼哀哉！憐爾早沒，不逮陰光。改封大郡，惟帝舊疆。建土開家，邑移蕃王。琨珮惟鮮，朱紱斯煌。國號旣崇，哀爾孤獨。配爾君子，華宗貴族。爵以列侯，銀艾優渥。成禮於宮，靈輶交轂。生雖異室，歿同山嶽。爰構玄宮，玉石交連。朱房皓壁，皓曜電鮮。飾終備衛，法生象存。長埏繕修，神閨掩扉。二柩並降，雙魂孰依。人誰不歿，憐爾尚微。阿保激摧，上聖傷悲。城闕之詩，以日



踰歲況我愛子，神光長滅。扃關一閉，曷其復晰。  
蒼舒誄

建安十二年五月甲戌，童子曹蒼舒卒，乃作誄

曰

於惟淑弟，懿矣純良。誕豐令質，荷天之光。旣哲  
且仁，爰柔克剛。彼德之容，慈我聿行。宜逢分祚，  
以永無疆。如何昊天，凋斯俊英。嗚呼哀哉！惟人  
之生，忽若朝露。促促百年，亶亶行暮。矧爾旣天，  
十三而卒。何辜於天，景命不遂。







# 哀辭

## 仲雍哀辭

曹喈字仲雍魏太子之仲子也三月而生五月而亡。昔后稷之在寒水。鬲穀之在楚澤。咸依鳥馮虎。而無風塵之灾。今之立綿文茵。無寒水之慘。羅幃綺帳。暖於翔鳥之翼。幽房閑宇。密於雲夢之野。慈母良保。仁乎鳥虎之情。卒不能延期於暮載。雖六旬而天殃。彼孤蘭之眇眇。亮成幹其畢榮。哀綿綿之弱子。早背世而潛形。且四孟



之未周。將願之乎一齡。陰雲回於素蓋。悲風動其扶輪。臨塋闔以歛歔。淚流射而沾巾。

金瓠哀辭

金瓠予之首女。雖未能言。固已授色知心矣。生十九旬而夭折。乃作此辭。辭曰

在襁褓而撫育。尚孩笑而未言。不終年而夭絕。何見罰於皇天。信吾罪之所招。悲弱子之無讐。去父母之懷抱。滅微骸於糞土。天長地久。人生幾時。先後無覺。從爾有期。



行女哀辭

行女生於季秋而終於首夏三年之中二子頻  
喪伊上帝之降命何短修之難裁或華髮以終  
年或懷妊而逢災感前哀之未闕復新殃之重  
來方朝華而晚敷比辰露而先晞感逝者之不  
追悵情忽而失度天蓋高而無階懷此恨其誰  
訴



陳思王集卷之一終







